

山西通志

册五十一

山西通志卷第三十二

山西巡撫都察院右副都御史 覺羅石麟奉

旨修輯

水利 四 津梁附

朔平府

右玉縣

右玉沙壻強半諸河雨則瀑漲旱則涸竭難以溉地

朔州

舊志御井州北古城內南井南門內西井西門內東井城
東南隅朔州井水胥苦澁獨四井水清味甘居人汲飲
沙楞河州東南三十里晨夕上潮流經賈家莊居人舊引
以溉田

盧時泰西關外古城水利碑記小北岔口一帶兩山雄峙水勢乘雨而來若不設隄防則奔潰四出而此山以東朔城以西地皆沙瘠歲苦狂飈惟雨後山水所到膠泥隨湧能使風伯不災播種無患故昔人於各要害處築堤以殺其勢濬渠以導其流歲久圯壞庚午刺史翁君應祥條上水利直指胡公良機大中丞張公宗衡捐公帑遂克鳩工中間爲拒水及分水壩者以十數若石莊窩四水梁則阻水東北而行若高家莊寺家莊并岔道則分水南北而行若化家莊村東拋荒地則又引水各分地如石夾處古城口俱設有護城壩又開濬小渠二百餘丈曲折導行歸於溝洫而復疏其出口俾總滙於城之西濠使禾受灌溉而關廂無衝噉

馬邑縣

漢志陰館累頭山治水所出東至泉州入海過郡六行千一百里

左雲縣

左雲高山峻嶺沙堵強半雖有數水不能溉田

新志頭道河發源縣南三里站馬溝明副總兵趙尙濬之邑中畦畝灌溉多資焉

平魯縣

平魯縣地處叢山民田惟藉雨露

新志海子窰北十五里有水磨

石花井西北三十里迎恩堡二墩村深四丈附近數村胥汲飲焉

平魯縣東南數小泉雨多始流旱則止西北數泉繇七墩大水口流出邊外至附縣諸水遶澗穿石會流成河北經右玉縣界流入兔毛河

津梁

右玉縣

萬泉河橋在殺虎堡西一里兔毛河上東西長五丈中設甕門九窰十八洞橋首尾各建輓樓一座明萬曆間重修後

半衝圮

牛心堡橋在牛心堡西雍正八年建

陡溝橋在牛心堡西康熙元年劉應詔建

寡婦橋在牛心堡西康熙二十一年寡婦田氏建雍正五年重修

廣義橋在殺虎堡南門外

寡婦橋在殺虎堡南六里

三邊橋在殺虎堡南五里順治間建康熙間重修

三道溝橋在北十二里雍正元年建

石橋二一在南門內一在南門外

朔州

利涉橋在州南宋朱弁有記後設木橋

馬邑縣

洪濟橋在縣正西

石橋在縣東門外

桑乾河橋在西門外康熙丁巳年邑人張志詠建

恢河橋在東南四十里康熙三十七年建春冰開合最難渡

橋成利濟

左雲縣

三台橋在高山堡西五里

石橋在南門外數武

平魯縣

普濟橋在井坪城南門外

太平橋在西門內澗道上明弘治間指揮燕瑛建五橋後存

一康熙間叅將魯與重修

寧武府

寧武縣

寧武二馬營三馬營田六七十頃藉汾水之潤

寧武諸屬四面胥層巒峻嶺田在山坡少渠道

灰河水東流經城西南舊有護城石堤後城西半圯城南盡廢

漢地理志汾陽北山汾水所出西南至汾陰入河過郡二

行千三百四十里冀州寢

宋咸平元年七月庚午寧化軍汾水漲壞北水門山石摧

圯軍士有壓死者

偏關縣

舊志後海子水泉堡城西南入紅門口者取汲焉口外附

垣又有南海子官道旁

大泉溝北七十里中有泉遇大雨合紅水溝折入關河

寺兒溝東四十五里接大泉溝盈涸無常

海子溝東二十里泉湧如海

馬圈嘴溝南三十里本龍眼泉繇樊家塢溝岔樓連火頭溝水北入關河

迤溪溝南三十五里東西長二百里

弔子溝東一百二十里直接邊外曲通關河

偏關少水利而諸溝亦行水道也錄之

神池縣

神池田在山坡

新志義井河縣西四十里水久涸康熙三十六年二月二十四日

聖祖仁皇帝西巡駐蹕於此水陡漲牛馬駱駝胥飲足次日仍

竭因名興隆河

五寨縣

神武川發源神武鎮口山流經城東水磨園畦於是乎賴繇

沙泉漸入河

五寨田在山坡

津梁

寧武縣

舊石橋在城西關水口

通真橋在縣治東門外明嘉靖十八年總兵祝雄建

國朝康熙四年太原糧廳王維秀重修有碑記

通濟橋在縣南迤東五里明嘉靖六年守備張縉以僧仁安

創建

廣濟橋在通濟橋東百步土人又名大橋為府省通衢明嘉

靖八年守備薛昂建

國朝雍正元年被水衝塌十年縣民呂玫石秀捐募重修

鞏西橋在縣城西一里土人名西溝橋明嘉靖二年守備崔

堂建鞏固形勝關鎖風水上建玲瓏飛樓環眺山河為關

西勝境年久傾圮

永濟橋在縣城西迤北一里明天啓三年兵備楊若子同叅

將盧晰建年久被水衝塌

控北橋在永濟橋北半里明萬曆六年盧友竹建

寧邊橋在縣屬老營堡西門外往來通衢雍正六年老營堡

人重修

神池縣

喬官莊小橋在縣西八十里康熙五十三年鄉民張鉉等募

建

趙官莊小橋在縣西七十五里雍正三年鄉民高溥等募建

以上二橋俱
係塘驛大路

五寨縣

長城梁在縣南五里

鎮口山大橋在縣東南距城五里

二道河石橋在縣東距城三里康熙五十二年居民修建

官莊橋在城東北六十里往來通衢

郭家河兒橋在城西北三里往來通衢

石橋在縣東關外康熙五十五年改建縣民募修

店坪山橋在城南四十里深溝峭壁賴以涉險

澤州府

鳳臺縣

鳳臺田在萬山間惟恃雨澤卽山水漲發旋起旋落無繇引渠諸屬胥同

舊志雙泉城東三十里白湍奔流自爲潭渚引渠溉田亦自成水利

源漳水城東北三十里源出可寒山東入丹水可引溉田
宋郭諮知潞州言懷保二郡傍山可以植稻定武唐河
直抵瀛莫間可興水田卽丹水源漳水之利也

丹河明俞森丹河用水議小丹河原分大丹河之支流而
小丹河兩旁董下三郭等河亦各分大丹河之餘流其後
北河運道資小丹河之水以濟之以小丹河之下流通入
衛河也至董下三郭等河其最寬者止五六尺最深者亦

不過三尺下流入沁不通衛河至大丹河平時安流山水
暴漲則水高丈許從未嘗渴乏使全入小丹河也今各渠
盡塞大壩橫築以小丹河而受大丹河之全流且斗門折
卸維艱而今已盡拆董下三郭二河已盡引入石斗門大
丹河將絕流矣宜撤去大壩謹護斗門啟各渠口以爲灌
溉之資且防暴漲之患又或令濟漕四日民間用水一日
候漕艘過盡始寬水禁

高平縣

舊志長河縣東北南流入丹水河可資灌溉

唐貞元元年令明濟引丹川入城號甘泉

唐武少儀移丹河記潞州屯留令平原明濟假領茲邑度
高下之勢相引決之宜有丹水者始自縣之西北山源高

而派平可議壅以導爰儲薪芻具畚鍤量功命日使里人
樂助始瀦流而爲潭因䟽渠以達郭築防以補其陷隙剗
木以導其險阻脉分枝散貫邑周閭瀾瀾苔草之間陰陰
槐柳之下遂使家開沼沚戶植芰荷濫觴可以寄傲垂釣
可以烹鮮

張四維河內縣河渠記沁水自太行南出繇枋口而東會
堯王泉水又東丹水注之沁水溉田益久其易枋口以石
門則自魏典農中郎將司馬孚始後一見於河陽節度使
溫造嘗奏開懷州古秦渠枋口堰旣濟源河內溫武陟四
縣田五千餘頃再見於元懷孟路總管潭澄令民鑿唐溫
渠溉田然皆沁水也其鑿丹河以利民不知始於何代考
郡志所載沁水凡引爲支河者五丹水凡引爲支河者十

隆慶丁卯懷守文安紀大夫誠開創渠河六在沁水曰通
濟河曰廣惠北河南河在丹水曰康濟河曰普濟河又引
堯王泉爲惠民河此可徵丹沁二河之利

朱之蕃唐安鎮石堤記高平水源發空倉山者滙爲大河
經唐安鎮之南夙苦漲溢義民陳騫創石堤患稍紓顧堤
僅四十丈歲久齧蝕馮公春卽陳堤擴之長八十餘丈高
濶咸倍於昔堅固有加自萬曆庚寅迄今二十年而河水
屢發竟不能爲患

郭公堤縣城北元尹郭質築故名明知縣柳豸築柳公堤
高平逼西山時有水患明知縣劉大實築堤以禦而水泛
土潰萬曆元年知縣李楨鑿濠引水繇南之東抵龍曲村
會入丹河築浚水橋於南關外以通往來

陽城縣

舊志蘆河古陽泉水也水口出鹿臺山自沁水縣樓子坡經縣西北芹池劉村蒿谷美泉孔寨入於沁可引溉田盤亭河源出析城山麓會諸澗水注於西南兩岸石田可資灌溉遶王屋入濟源境則水利興焉

陵川縣

舊志平田水縣東南九十里地多松栢居人借之作香磨以利生

沁水縣

沁水田胥在坡崗高阜雖有沁河向無渠道陽城同

舊志蘆河縣西南十里源出鹿臺山入沁溉田

梅溪縣西北三十里

沁河在懷慶府城北二里枋口泉在濟源縣東北三十里兩山之間沁水經焉舊以枋爲門故名晉司馬孚壘石爲之又名沁口

魏司馬孚請治枋口表臣被明詔興河內水利臣旣到檢行沁水源出銅鞮山屈曲周迴水道九百自太行以西王屋以東層巖高峻天時霈雨衆谷走水小口漂逆水門朽敗稻田泛濫歲功不成臣輒按行去堰五里以外方石可得數萬餘枚臣以爲方石爲門若天亢旱增堰進水若天雨霖陂澤充溢則閉防斷水空渠行澇足以成河雲雨由人經國之謀暫勞永逸聖王所許願特出臣表勅大司農府給人工勿使稽延以贊時要

隋開皇時盧賁爲懷州刺史決沁水東注名曰利人渠又

山西通志 卷三十一 水利 九
派入溫縣名曰溫潤渠以溉烏鹹人賴其利

唐河陽節度使溫造奏復懷州古秦渠枋口堰以溉濟源河內溫武陟四縣田五千頃

明萬曆時河內知縣袁應泰穿太行山引沁水成二十五堰溉田數萬頃鄰邑皆享其利

津梁

鳳臺縣

晉南第一橋在南關白水河上

通濟橋在西北大陽鎮

長橋在縣西周村鎮

雙李橋在東北巴公原南

通懷橋在縣南小箕村

雙橋在北十五里雙溝上

七嶺鎮橋在東十里溝澗上成化六年知州陳登重建

景德橋在西關溝澗上金大定間知州董仲宣建一名沁陽

橋

景忠橋在東關溝澗上元至正間建一名永濟橋

常澗橋在東三里

高平縣

浮雲橋在西北五里丹河上洪武七年知縣姚思恭建後改

名迎恩橋在東關

通濟橋在南二十里晉豫孔道也明萬曆三十三年民許朝

家建歲久頽折

國朝雍正十年知縣胡正履偕朝家孫貴重修邑人牛道遠

老金橋在南十五里喬村驛

橫澗橋在南三里相傳楊道人建邑人龐太樸記

許河橋在南二十里水村河

永濟橋在縣東北換馬鎮明弘治四年建

浚水橋在西關明知縣李貞建有碑記

崇正橋在縣唐莊梨園之交明知縣許安遇建知縣洪聲遠

任大僚繼修

陽城縣

大石橋在東門外明宣德十年知縣劉綱建

通驛石橋在下孔里村

小石橋在東二十里

觀音石橋在柵村東

吉莊石橋在水磨頭東州人白所蘊建

潤城津

沁渡津

王村津 胥沁河渡也官舟一

不詳陵川縣

蒲水橋在北二十里蒲水村河上

通文橋在城東南隅金時孔廟在焉故名

永利橋在西十五里魯山村邑人曹延庚延喜建

通濟橋在南馬鎮西

獅顧橋在東三里

曲製沁水縣

山西通志 卷三十一 水利 二

曲堤渡在縣東

鄭莊渡在縣東

武安渡在縣東南

蒲州府

永濟縣

永濟涑水河繇五姓湖流入境後五姓湖以寬廣漸至乾涸不能下流水不入永濟者已數十年矣至於永濟渠湮塞歲久其中條山諸泉澗上流下接乃自然之利經越村莊民資灌溉胥無阻滯

永濟民多畛旁䟽井用輓轆轉運循渠灑潤大概與虞鄉同舊志涑水渠東三十里唐貞觀十七年刺史薛萬徹開今涑水自臨晉入姚暹渠同滙於五姓湖至蒲州大澗入河

姚暹渠在東三十里臨晉至縣大澗入於河

永濟渠在州東大通廂內溥惠渠在州北復安里古城下廣一丈西通濠隍胥知州許鵬以州城東原溝阪深浚大雨輒壞田稼兼積水通衢故開二渠後多湮與氣重淤青渠在東北四十里南通五姓湖史記戰於青渠之原卽此

大水澗在南十五里地名大谷北入姚暹渠

白石澗在南十五里地名韓陽西入於河

臨泉澗在南五十里地名胡營南入於河

玉泉澗在南一百二十里地名南張至永樂鎮溉田餘入於河

寒谷澗在南一百里地名觀後南入於河

以上諸澗胥源出中條山

周保定二年正月初於蒲州開渠以廣灌溉

宋陝西轉運使薛顏卽蒲津開北岸醜上流爲支渠以殺水怒河中浮橋乃不爲水所敗因取渠水溉其旁田民頗利之

宋紹聖中知河中府游師雄自中條山下立渠堰引蒼陵谷水注之城中人賴其利

古護城堰西門外北起古官道灘角南抵河瀆廟西抵河岸袤四百餘步高一丈濶二丈五尺明萬曆庚辰重修砌石堅緻東護州城

連城堰濶一丈長三十丈

橫渠堰濶一丈長三十丈後湮

玉龍堰濶一丈長五十丈

以上三堰胥明知州許鵬築以障永濟普惠等渠水勢後多湮

史魯石津記蒲城瀕河東東高而西下水滸之堤卽城垣之壩時湍悍衝激則潰齧石菑而垠岸傾頽路爲陜阨甚者浸及垣地矣正德己卯叅議王公天瑞得石八千餘片津堰長二千五百尺

鍾羽正王基行狀庚辰陞叅政治蒲州州並大河一日河忽南溢且抵城聲如霆震城中皆驚號公於崩處見石堤橫亘蓋遠古以護城者遂建議接而增之自城抵首陽之麓蜿蜒如游龍河自是不爲患

宋太平興國六年河中府河漲陷連堤溢入城壞軍營七

所民舍百餘區

大中祥符三年九月河決河中府白浮梁村

明隆慶四年蒲州黃河泛漲自是河徙而西移大慶關於

河東

東魏屯軍蒲坂造三浮橋以渡西魏大統四年造浮橋唐

開元九年新作蒲津橋宋祥符四年改蒲津橋曰大慶卽

今朝邑縣關名元豐六年命河中府修河梁堤岸

越城北門外周一百三十步西魏大統四年造浮橋九年

築城爲防按大統三年十月西魏大丞相宇文泰伐東魏

秦州降遂畧定汾絳則四年造橋以通往來九年築城以

防越渡故以越爲名舊說魏豹築非也

唐志河西有蒲津關一名蒲坂開元十二年鑄八牛牛有

一人策之牛下有山皆鐵也夾岸以維浮梁十五年自朝

邑徙河瀆祠於此

通典河東有蒲津關後魏大統四年造浮橋九年築城爲

防大唐開元十二年河兩岸開東西門各造鐵牛四其牛

下並鐵柱連腹入地丈餘并前後鐵柱十六

通考同

張說蒲津橋贊河上有三橋蒲津是其一又曰開元十有

二載飛廉熾炭祝融理礪結而爲連鎖鎔而爲伏牛偶立

於兩岸襟束於中漣鎖以持航牛以繫纜亦將厭水物奠

浮梁又䟽其舟間畫其鷁首必使奔漸不突積凌不壓

閩伯

輿河橋賦條山左臨高嶂東連於渤海晉關右抱浮梁西截於長河

蒲津歲河水壞梁吏撤竿用舟邀丐行人會昌元年節度

使李固言至悉除之

山西通志 卷三十一 二
宋時蒲津浮橋壞鐵牛皆沒水中陝西都轉運使張燾令
列巨木於岸以爲衡繩石其杪挽出之橋復其初
宋真宗次河中觀鐵牛作詩嘉祐八年秋水漲梁絕四牛
沉沒正定僧懷炳以二大舟實土夾牛維之用木鈎牛徐
去土浮牛出止得其三得牛而梁復成詔賜懷炳紫衣
宋熙寧八年八月知河中府陸經奏管下淤田約二千餘
頃下司農覆實

宋知河中府晁補之修河橋以便民

呂柟開閘記嘉靖辛丑秋趙君伯一名守蒲郡定策曰若

有不虞閘河引水周流於隍數萬甲兵不足懼也乃計地
定功計民定役西北建閘高於河身西南合河隍深且將
至泉三月功告成

臨晉縣

臨晉縣姚暹渠分入虞鄉涑水河與虞鄉分界瀕河民田雖
資灌溉皆獲自然之利未設渠道

臨晉畦旁開井畧同虞鄉而水性多寒灌溉之利少不逮云
舊志桑泉東北十五里帶村里北社村是其地也泉久涸
康熙十二年知縣潘士瑞掘尋於東北溝得甘泉欲疏鑿
西行資民灌溉尋中止

魏青龍元年穿成國渠築臨晉陂溉田數千頃國以充實
焉

隋文帝時刺史楊尚希引漢水立隄防開稻田數千頃民
賴其利

虞鄉縣

舊志姚暹渠南五十里

王官谷南十里水繇故市鎮西北渠入鴨子池可灌谷口故市等村地

瀑布泉王官谷內天柱峰傍東西二瀑合流出谷口居民就地遠近引以溉田引水之法以時刻記名一分水宋虞鄉令俞充東渠亭詩註王官谷東西二渠水自司空表聖定法谷中人以時用至今不廢今王官之水以分計者一百一十有九焉

石佛寺谷南三里中條山麓山水北流遶城東惠澤橋下經申劉二營入鴨子池寺西小流卽繇栢梯楊趙二村入鴨子池可灌城東西諸村地

風伯峪水繇新渠過申劉二營入鴨子池可灌峪下村地

二峪口水繇張坊村胥村麻村等橋入鴨子池可灌峪下村地

張家窰水城西南灌窰左右繇坦趙楊趙二村入鴨子池黃家窰水灌窰左右繇新街村北注五姓湖

東西二源頭城東南一里水泉數十流衍二村左右四時不涸餘瀝繇城東橋下入申劉二營

鴨子池北九里姚暹渠南中條山北水漲鳧雁羣集故名水滿卽繇大小王朔東西平壕孫常等村橋下入五姓湖

池爲王官諸谷新水河經流所注之處

隋大業中都水監姚暹濬永豐舊渠兼築堤堰自安邑楊家莊西至臨晉五姓湖以入於河客水有所歸鹽池患息而民田亦紓衝決之虞至今名其渠曰姚暹渠

涑水河故道自坑頭鎮西南合姚暹渠水入五姓湖明弘治十六年巡鹽御史曾大有以姚渠首中太狹涑水闌入爲鹽池害疏請濬河八十里自倚氏崔家灣開引稍西經智光水頭觀底胥村城子埒勃落頭諸村直入五姓湖達孟明橋入黃河

涑水河繇倚氏邸家營智光達臨晉水頭以及五姓湖四十里而近水所經注皆資灌溉舊繇邸家營南注可灌裴坊南村坑頭以南諸村地繇邸家營西流可灌水頭觀底胥村城子埒勃落頭以南諸村地今題准建閘遠近胥獲水利五姓湖西北二十五里爲涑水姚暹經流所注之處

蘆子泉在搶峰西北麓今寺僧居民引以溉田

中條山王官峪張家峪石鹿峪黃家峪瀑布泉蘆子泉等澗水引溉山下田獲自然之利不煩疏濬至姚暹渠南堰鹽池所係未能引溉而北堤設渠口以次滋漫至涑水河南屬虞鄉北屬臨晉近按地勢之高下議定渠口遇水漫田繇上流橫築土壩壅水澆溉漫足開壩填渠以次引溉虞鄉額分水葦地不越二十頃而南逼中條北遶涑水皆因地勢以爲蓄洩涑水之利不能越姚渠以南渠南岸全資山泉其達而不能徑達卽皆於畛旁疏井用轆轤轉運循渠灑潤炎夏雖非旱魃村間汲井晝夜不息至於山泉流灌分刻判畝絲毫無越畔

唐貞觀十七年蒲州刺史薛萬徹於虞鄉縣北十五里開涑水渠自聞喜引涑水下入臨晉

宋淳化二年四月河水溢虞鄉等七縣民飢

虞鄉因河水溢而飢是河水逆行至五姓湖涑水也

臨晉縣志孟明橋一帶苦爲蒲民壅塞種田湖水泛溢東沒鴨子池則楊趙申劉諸營遂受其害矣

明朱實昌濬姚暹渠記姚暹一渠所以受諸山谷之水繇苦池入五姓湖以達河自唐以來湮沒至今予使加濬焉渠中廣三丈兩岸各高二丈爲堤堤之上廣二丈東起安邑苦池西抵蒲之黃河長二萬丈有奇通役夫二萬人人四十日爲工八十萬而城堰之功又半之

呂柟王官谷記至故市西折而南谷水北流入市間卽貽溪也沿溪南行五里至谷口

猗氏縣

舊志黑龍潭在西南二十里久湮邑人王含光濬之引渠

溉田

南澗距柳堤數武涑河故道也泉流十里荷稻相間後寢廢

明修涑水河記鹽池勢下諸水易以入弘治甲子侍御曾君世亨以涑水河歲爲池患請發河南平陽二郡民夫疏鑿濬導湯君新之來代掣水修堰其功最焉甯君又來代功告厥成先是水繇地穴伏流入池堤堰旣堅穴以堙塞至猗氏西南十里地名崔家灣水奔注硝池入於鹺海不惟池受其患而民廬田畝亦蕩然無餘則河道疏通其績懋矣

張璞濬築涑水崔家灣記涑水迤邐東來過猗而河身中

山西通志 卷三十一 水利
高漸就平衍夏秋恒雨百里一壑水激湍決岸沙善崩河
壩西南尤窪下衝斥最劇先是水故南去而鹽池在下流
之左設泉潦不時則繇小池而入處必趨之勢矣自改濬
而西百年利益當日號召分陝左右大河南北合三藩人
力始告厥成故有堤以障故道曰崔家灣水至此方直下
迅馳而人力且將扼其吭一擲而西浪擲沙飛沮洳齧損
故堤時廢時築隆萬間蓋屢築之順治庚寅秋猗令高君
累土塞渠挽南倒之波立中流之岸又創鑿上流別爲導
引緩其轉曲先水勢而殺其力庶永免齧決矣

郭爲觀涑水故道考按桑欽水經云涑水出河東聞喜縣
東山黍葭谷又西過周陽邑南又西南過其縣南又西南
過安邑縣西又南過解縣東又西南注於張陽池酈道元

注云涑水所出俗謂之華谷至周陽與洮水合涑川又西
逕仲邨鄔北又西逕桐鄉城北又西南逕左邑縣故城南
以上皆今聞喜縣境涑水又西逕王官城北又西南過安
邑縣西以上皆今夏縣境蓋古安邑卽今夏縣禹王城故
址漢晉以來無夏縣之名至隋始分置夏縣而移安邑於
今治不然則注謂過安邑西者將直入鹽池乎涑水又西
逕鹽池故城城南有鹽池水此則今安邑境而鹽池水
卽今北引之姚暹渠水也涑水又西逕猗氏縣故城北又
西逕郇城此則今猗氏境蓋涑水自安邑北相鎮之西入
邑境鳴條岡至此而伏故涑水自李漢郭村之間折而南
順治中郭村人嘗掘地見大石橋懼不敢發蓋其故道也
又折而東南經張河孫塢等村其地今猶謂之張河灘又

折而西南歷楚侯王鑑張嵩諸村故迹宛然俗稱管溝卽注所謂逕猗氏故城北者也又西南經太侯上莊卽解之南扶等村境郇伯故城在其北卽注所謂西逕郇城也自此而西南逕臨晉之卿頭等村入五姓湖皆古解縣境卽注所謂西逕解縣故城南又西逕瑕城者也五姓湖卽經所謂張陽池也此涑水故道也厥後司鹽者慮其浸沒鹽池引而之北自北相鎮之西北開新道西行經三里高頭里原頭水南香落等村至何家莊南地名崔家灣者折而南經祁村及臨晉之南村卿頭等村合姚暹渠入五姓湖雖世代莫考然故老相傳猶能道其疏鑿之概焉此涑水初改之道也至明弘治十六年巡鹽曾大有復慮害鹽疏請西浚新道八十里自崔家灣引而西經祁任智光等村

歷臨晉境至蒲州孟明橋入河是爲涑水新道云

舊縣聞喜西流

經猗氏縣南六里迤入臨晉界

曾舜漁涑河橋記涑水自夏之小水鎮而西綿亘二百里始入大河北過巖城距城僅半舍又西流十里餘爲猗之近郭而涑且過之淫雨爲潦行役多阻予檄建橋長一十一丈廣容二軌高二尋有奇

國朝雍正七年侍郎韓光基疏查涑水一河發源於絳縣歷聞喜夏縣安邑猗氏臨晉由五姓湖而達於黃河自猗及臨沿河居民均資灌溉蓋緣涑水渾濁每當凍河開河之際田畝一經灌溉肥饒倍常故愚民混行私決堤堰橫築土壩擁水漫田以致餘流南注淹及石橋等窪下村莊且上河村莊築壩截流下河村莊竟不能受涓滴之惠前經

山西通志 卷三十二 水利
奏請建閘築堤以防水勢但查所建四閘猗氏地方有二
一在邸家營一在南智光南智光一閘水勢稍緩不致衝
決窪下田畝尚可藉以灌溉邸家營一閘河高地低正當
急流衝射之處修培不繼以致漫淹斷宜堵塞仍加月堰
幫護方可無虞其臨晉二閘建於水頭及城東城西村莊
地方河低地高既不能洩水水又不能灌田實爲虛設臣
等親往查勘訪詢居民併行令河東道悉心酌議擬於邸
家營至河西村一帶地方酌量遠近於堤外量開河口河
身量築土壩擁水入渠使民挨次灌田灌足之後卽開壩
下流俾得均沾其惠併將河道淤淺處挑濬遇夏秋瀑漲
便可暢流歸湖至應開渠口及築壩之處俱勒石定界責
令地方官按時稽查併於村民內設立堰長輪流管約不
許私決爭越及壩水專利如違按法責懲臣等復委河東
道楊應琚親歷沿河各村咨詢士庶人等俱各踴躍懼忤
情願於農隙之時挑濬河道加築堤堰仍各栽樹以固堰
堤如此酌定渠壩旣有一定之規百姓永杜私決之弊石
橋等村亦得免漫淹之患

萬泉縣

萬泉縣東澗西澗胥涓流也難以開渠流數里輒入沙土難
以修築居民僅供汲飲灌溉旬日不雨輒欲涸其利益微
舊志東澗東門外民咸汲用引渠溉蔬

西澗西門外灌溉之利不及東澗

雙泉介山東麓栢林迤西二泉湧出一在山足一在山半
歲旱不竭遠近居民利賴之

山西通志 卷三十一 二
灑灑泉東四十里稷王山下近山居民多缺井咸遠汲之
穆公井邑以泉名雖繇東谷多泉實志水少也城故無井
率積雨雪爲蓄水計或以甕瓶盎桶取汲他所往返動數
十里擔負之難百倍厥力蓋井深百丈淺者亦八九十丈
且一井之費不下數十金甚至掘之而無泉故井養之利
缺焉嘉靖間三原穆伯寅出按山西行部到縣廉得乏水
情狀乃檄稷山令賈憲往董其役掘止三十丈而及泉不
踰月工竣且水清冽而甘甲於他井爰名穆公井喬宇記
榮河縣
舊志泉四一在南屈村一在北辛莊一在孫石一在王信
村皆可溉田頗爲民利
漢魁泉在南趙村泖澤方丈無所云潰沸湧出水口如車

輪者毋亦歲久壅塞疏鑿有待而西濱黃流彌望斥鹵縱
有佳泉無所用之矣

史記河渠書漢武帝時河東守番係言漕從山東西歲百
餘萬石更砥柱之限敗亡甚多而亦煩費穿渠引汾溉皮

氏汾陰

括地志汾陰故城俗名殷湯城在蒲汾陰縣北九里漢汾陰縣

下引河溉汾陰蒲

阪下度可得五千頃五千頃故盡河壩

韋昭曰音而緣反謂緣河邊地棄

地民芟牧其中耳今溉田之度可得穀二百萬石以上穀
從渭上與關中無異而砥柱之東可無復漕天子以爲然
發卒數萬人作渠田數歲河移徙渠不利則田者不能償
種久之河東渠田廢予越人令少府以爲稍入

索隱其田旣薄越人徙居者習水利故與之而稍少其稅
入之於少府

山西通志 卷三十一 水
隋開皇初蒲州刺史楊尚希引漢水立隄防開稻田數千頃民賴其利

汾河舊在廟前鎮北汾睢古祠西廟下防守臺入黃河明隆慶中移辛莊防守臺北河津縣胡蘆灘入黃河繇是汾河不入滎河境矣

津梁

永濟縣

蒲津渡在西門外卽古蒲津關今名大慶關

風陵渡在南六十里黃河北岸

永樂渡在東南一百二十里黃河北岸路通河南閩鄉縣

孟盟橋在東十里秦將孟明伐晉濟河焚舟盟師必克故以名橋

通濟橋在南十里鐵鑪舖前

廣濟橋在彌勒洞前康熙六年僧泣照募建石橋三眼

平政橋在南五里

天市橋在迎西門外

蒲津橋在西門外橫跨黃河卽唐明皇所製浮橋也後廢

臨晉縣

吳王渡在西三十里黃河東岸洪武四年置巡檢司又南爲

甲馬營渡

城子埒橋在西南三十里通運城鹽車官路

觀底橋在東南二十里奉仙宮東官路通衢

水謚橋

以下三橋胥跨凍水

城東橋

山西通志 卷三十一 水利 城西橋

虞鄉縣

勃落頭橋跨涑河

胥村橋跨涑河

白坊橋跨涑河

土橋跨姚暹渠

杜家營橋跨姚暹渠

涑水橋在坑頭村

五里橋

大小王朔橋

東西平壕橋

東西屯橋

張坊橋

府村橋

猗氏縣

涑河橋在東南十里乃行監道也明巡道詹思虞建

國朝康熙四十三年喬士容重修

廣惠橋在東門外萬曆間知縣黃道見輒修

永濟橋在西門外

原頭橋康熙四十一年知縣陶自悅建

香落橋在西南十五里順治九年陳湛念子適月繼修

永濟萬泉縣

永利橋在西門外唐時建明嘉靖初知縣王大節重建修撰

永呂涇野副使秦昂記隆慶中李廷陳易以石

山西通志 卷三十一
永安橋在西二里元泰定初知縣楊時聰建明嘉靖初水圯
永知縣王大節重修
永濟橋在皇甫村西

榮河縣

新口渡在北十里廟前鎮西

白馬渡在南十里元尚書范國英設

汾陰渡在北九里后土廟前金南陽郡王代祀汾陰所設以

通秦雍路

惠民橋在縣南百峪口明正德十一年知縣馬安建

通濟橋在南十里番底村亦馬安建後胥廢

遼州

直隸

遼州漳岸兩岸胥亂石無可開濬民田皆在萬山中

舊志漳河起自州西一百里入賦嶺經州城南

千畝泉一名千畝原州東南三十里

漳河漂城漂地卒無寧歲深爲州害

和順縣

水井溝在東北三里卽古玉津泉也源雖涓細亦資灌溉

舊志奇泉在合山懿濟聖母顯澤侯坊石橋下泉流湧出

足供十餘村汲飲歲四月四日四方雲集泉涸不流衆呼

佛拜禱山中聲如大風泉復湧出縣志和順地寒土薄襍

以礮礫水注其中旋爲泥淖且堅實矣故雖兩漳環抱無

疊所用之其他山溪野泉所在多有但遇暴雨霖霖峻山陡

澗澗湍激奔流禾苗且被衝沒矣何利之足云

榆社縣

山西通志

卷三十一 水利

三

儀州河二源一出縣東武鄉嶺下一出縣東北狼兒嶺下胥經王景村合流入漳河兩岸胥石澗無可開濬榆社田胥在疊崗間之其於山

舊志東滙泉在東五里水甚盛舊有大谷民佃種治為稻

田後廢

藍玉泉在東四十里藍玉寺下形頗高可以溉田

漳河每遇霖雨洪濤怒浪漂塌民田地址盡為河伯鄉

水儀州河汜濫為災任性漂塌

津梁

遼州

翻轅嶺橋在翻轅嶺

黃漳橋在黃漳村

突堤橋在北五十里

東五指橋在東八十里

羊角橋在東九十里

粟城橋在東四十里粟城村

通濟橋在陽和門外一名陽和橋

永濟橋在南火神廟嶺

通晉橋在西門外

七里橋在七里店

梁峪橋在州南

小石橋在西四里

和順縣

東河橋在邢村

山西通志 卷三十一 二

南河橋在豐村

通濟橋在北二里漳河清淺可揭無容以石砌橋三橋胥架

小水也

榆社縣

雲簇橋在西三十里

峽口橋在西八里

北馬澮橋西南二十里西南二十里有南馬澮橋

南村橋在西南三十里

桃陽橋在西二十五里

韓村橋在南三十里

東周村橋在北十里

沁州 直隸

沁州民田多在山坡舊無渠道

舊志甲水在山水里居民引以溉田

東泉在州東南八里味甚甘民利之

湛泉在州西半里旁多園林周圍數泉環繞圃人利之

崔銑沁州水田記歲丙申御史趙子下知州王良輔襄事

導漳泉自柯山南至於張仙祠溝斷之橫木乘溝空其中

王引水又南至於交口灌田四千畝導甲水自溪亭東南至

石陀遂鑿石渠至甲里灌田三千六百畝道清源自亦山

灌田三千畝蓋達於官郵圍水環流往沁止播菽穀新田

皆種秔畝收二鍾有奇

劉光蔚石堤記城西北隅沁水南來日夜嚙其下舊有石

堤捍蔽歲久衝激程侯築石堤長六十二丈高一丈二尺

沁源縣

沁河渠發源河底村距縣一百二十里諸村設渠水散渠中
順水流上下引漑

龍頭村渠漑地四十五畝

閭寨村渠漑地三十七畝

王勇村渠漑地四十二畝

小章村渠漑地二十五畝

羅家莊渠漑地四十七畝

河西村渠漑地七十五畝

石礮村渠漑地七十五畝

安樂舖渠漑地三十畝

紅林村渠漑地五十畝

下柳村渠漑地六十三畝

長樂村渠漑地五十畝

李家莊渠漑地四十一畝

有義村渠漑地三十九畝

麻卷村渠漑地七十二畝

賈家莊渠漑地八十三畝

琴峪村渠漑地三十二畝

侯璧村渠漑地二十四畝

官軍鎮渠漑地五十七畝

張璧村渠漑地三十畝

白狐窰渠漑地四十畝

化峪村渠漑地四十五畝

山西通志 卷三十二 三
交口村渠溉地九十一畝

作平村渠溉地二十畝

秦家莊渠溉地四十畝

陽城村渠溉地三十七畝

石臺村渠溉地四十二畝

琴泉村渠溉地三十三畝

小里底渠溉地三十二畝

姚璧村渠溉地二十四畝

東村渠溉地七十畝

大道村渠溉地五十畝

行村渠溉地二十三畝

李元村渠溉地三十一畝

下莊村渠溉地一十七畝

李成村渠溉地三十七畝

中峪村渠溉地四十畝

南石村渠溉地三十五畝

北石村渠溉地一十九畝

霍登村渠溉地一十七畝

馮村渠溉地四十六畝

江莊村渠溉地三十畝

董家村渠溉地三十一畝

柏子村渠溉地三十三畝

以上共渠四十三道溉地一十八頃

舊志沁河史稱隋大業四年開永濟渠引沁水入御河溉

山西通志 卷三十一
田三千餘頃乃沁源當陰潞山水泛漲衝沒民田沿川一望沙石遍野非水之利於河南而不利於沁也良由勢險難隄耳

漢志注穀遠縣羊頭山世靡谷沁水所出東南至懷州武陟入河過郡三行九百七十里

武鄉縣

武鄉民田多在山坡舊無渠道

北舊志長樂里在東二十里內監張村有石牛泓深不可測其水可溉田

河西村桑麻鬱茂

李漚麻溝卽古漚麻池石勒所爭地

漳川鄉在縣西內西溝曲逕廻溪有蓮池魚沼

武鄉廣袤且三百里山什之七水什之三山則侈陷靡常水則遷徙靡定當暴雨驟發平陸胥爲巨浸而常時又不可灌溉

趙天麒築城堤碑南城一面漳水經流其下而西南隅首當其衝明萬曆間邑侯南皮劉公聯芳築堤百餘丈以護之歲久傾圯過半州守程公憲攝事曰河水瀑漲載胥及溺城垣何以自立乃命修堤并禁糞厠疏水道無使蟻穴不塞浸成滔天焉

津梁

沁州

環翠橋在北郭外元丁巳宣撫楊惟忠建明正德十一年知州馬圖修萬曆七年知州劉沐千戶楊令名同修

南門吊橋明正德九年知州張應魁建

紅渠橋在西南十里

黃沙橋在南十五里

永濟橋在州南二十里

小溝橋在州南二十五里

北門吊橋明正德十一年王崇慶建

沁源縣

仙橋在靈空山有木橋三間

巒橋在靈空山跨澗而過與仙橋連

武鄉縣

漳河橋在縣南

永利橋在東二十五里長樂村

南關橋在西南一百一十里

通濟橋在西北一百二十里

平定州 直隸

平定州山多田寡其斷澗深溝雨則水漲雨止則澗無長流
渠道可以疏引

舊志綿水出綿山東麓平地湧出頗可灌溉

郝天成濟川橋記平定上下兩城一建於西南隅即韓信
故寨一綴於東北原下即宋太祖所築新城去城不半舍

有嘉山山麓有嘉水自西而東經上城之趾注下城之腹
有石橋曰濟川久廢弘治甲寅春儀封吳侯堯佐復之

唐李諲妬女祠銘井陘西南太原東北妬神之泉澹為黛
色跳波噴浪如有可則古往今來源流不忒興雲致雨俾

造化力今承天山下多水田不減晉溪云

雍正二年知州李濂濬導娘子關水逢壑駕木遇埏通渠
溉田四頃有奇

壽陽縣

壽陽民田多山坡旱地不能設渠

舊志壽水在縣南二里許盛夏山水暴漲河流上下皆赤
惟壽水獨清開渠溉田可爲民利

孟縣

孟縣民田多山坡旱地不能設渠

舊志溫泉在縣北一百二十里滹沱北岸有三穴一穴出
盤石中冬熱如沸浴之可以已疾

海眼泉孟縣山多川少暴雨則水湧成河流入滹沱雨止

卽涸卽志內諸川亦不能常渟泓也唯縣北四十里興道

村小崑凸坡根有泉曰海眼三穴湧出奔流迤北至中社
入龍花再北至會立入滹沱

龍花牧馬二水見於舊通志而無灌溉之益

城西河堤

待賢村南當河衝舊有石堤

樂平縣

樂平民田胥山坡旱地不能設渠

舊志石甕潭在縣東七十里山峽有龍潭若甕其深不測
大禱雨輒應

漢地理志大黽谷清漳水所出東北至邑成入大河過郡
五行千六百八十里冀州川

山西通志

卷三十二

津梁千六百八十一

大石橋州城東西門外各一金崇慶元年僧圓正建

濟川橋在州下城十字街南嘉水上明弘治間知州吳賢甃

石梁至今便之

利涉橋在州下城街南北有石獅四座明耆民葛廷臻嘗通

衢便民焉

仙境橋在州西十里嘉山河水上

栢井橋三一在州栢井鎮一在州八疊板一在州石泉會

長樂橋在州顯應王廟西

小橋舖石橋三在州東三十里一金正隆四年僧智海建二

胥明建

壽陽縣

太安橋在東三十里東寧都張淨鎮跨西澗水

迎仙橋在童子河嘉靖年間重修後爲河水所壞

張淨橋在張淨鎮

安定橋在太安鎮

孟縣

兩嶺橋在縣西一百二十里相傳公輸子建

天靈橋在河村西三里

利涉橋在榆棗口五臺孔道也知縣蔡璜建

樂平縣

馬嶺橋在城內明天順間邑人喬宗修

丁峪口橋明隆慶中修

山西通志

卷三十二 水利

三

五家莊橋宋詔修

司家溝橋

七節村橋

板橋在縣東南二十里

土巷溝橋在縣北路崎嶇難行邑義二改建石橋於北山下

民便之明萬曆間修又有石橋二

忻州直隸

牧馬河渠 牧馬河發源州西南白馬山至牛尾莊合諸水出州境東南流入定襄縣境

紫巖渠 蕭村渠 鴉樹渠 王名渠 石莊渠 看鶴渠

南渠 東渠 西渠 小西渠 楊莊渠 義井渠 莊

兒渠 長畦渠 東渠 小西渠 樓村渠 西渠 南渠

小西渠 東渠 王府渠 西渠 中渠 太延渠 南

關渠 上渠 中渠 下渠 曲莊渠 白石渠 野場渠

郝村渠 南渠 段莊渠 魏家渠

以上共渠三十六道胥繇牧馬河引水

牧馬河水繇白石村折東經紫巖村南蕭村東樓村石家莊南湖村令歸村楊家莊南義井北胡村傅家莊西樓村故郡村安邑村曹村段家莊魏家莊太延村至南關廂外七里又經王家莊曲家莊樊家野場十里堠村郝村共二十三村漑地四百四十三頃有奇

雲中河渠 雲中河源出州西北岱嶽殿山底近河村莊胥引之

索家前渠 索家後渠 野場渠 解原渠 小河渠 沙

窰渠 棗澗渠 西渠 官渠 河管渠 部落渠 北趙

渠 泡池渠

渠 以上共渠十三道胥繇雲中河引水

雲中河水經小智村六石村盧家野場解原村石家莊沙窰村棗澗村頓村河管村部落村北趙村泡池村尹村共十四村溉地六十頃有奇

滹沱河渠 滹沱河發源繁峙縣泰戲山經崞縣至忻口東折入定襄縣境

王府渠 新渠 金山渠

以上共渠三道胥繇滹沱河引水

滹沱河水經白村高村金山舖共三村溉地二十七頃有奇忻州共渠五十二道溉地之法有接歛使水者有分工使水者渠長司之以次輪溉無得爭越

舊志滹沱水在平刑關山經東崞之東南流合沙河入郡境資灌其利溥

沙河源出崞經忻口東入滹沱河

鵠索河在合索村南二里溉地六頃

海滿泉源出嘉禾溉稻田十餘頃南入雲中河

前山泉在南營屯溉稻田十頃有奇

渾水泉昔資灌溉後涸

三十五渠 南關渠 王家莊渠 曲家莊二渠 楊泗渠

樊家野場渠 故郡二渠 石家莊二渠 楊家莊渠

習村二渠 義井二渠 南蕭村渠 北蕭村渠

東樓村二渠 西樓村二渠 真檀渠 令歸二渠 北

湖四渠 南湖二渠 郝村渠 安義渠 韓嚴渠 紫

巖渠 雙堡渠胥在州東南引牧馬河水

三十二渠 渠二十里舖二渠 郭村渠 泡池渠 大儀

渠十河管渠 頓村二渠 西播明渠 呂令渠 曹張

渠渠解原渠 奇村渠 北太平渠 白村渠 部落二

渠四楊村渠 大郡渠 高池渠 北新莊渠 吳家莊

渠淤泥渠 平張渠 治村渠 解村渠 尹村渠

六石渠 盧家野場渠 遂莊渠 北趙渠 檀村渠胥

在州西北引雲中滹沱河水

東十里埃渠牧馬雲中水胥可引

明知州楊維嶽開水渠三十五道

定襄縣

滹沱河渠 滹沱河經忻口東折入縣境

通利渠 北受羅渠 馬房營渠 南受羅渠 北莊渠

南莊渠 黃嘴村渠 林水村渠 邱村渠 藍臺村渠

南關渠 西關渠 北關南渠 北關北渠 神山村渠

王進村渠 崔家莊渠 趙家營渠 衛村南渠 許村渠

南作村渠

以上二十一渠胥引滹沱河水

牧馬河渠

牧馬河經忻州東南流入縣境

智村南渠 智村西渠 智村新渠 西邢村渠 張村渠

以上五渠胥引牧馬河水

定襄縣渠二十有六道牧馬滹沱二河水源開廣上流不能

阻截瀕河民田胥設渠長立埂堰繇上及下公分使水而田

借列一區者又以探闢定時刻焉無容爭越

舊志滹水渠起湯頭村東遶橫山村經建安合河元好問

有記久廢康熙二十一年知縣趙繼普復開起忻口蝦蟆

山西通志 卷三十一 水利

山西通志 卷三十二
石經灰嶺四家莊白村十五里入縣境漑上下湯頭等入
村田有碑記

通利渠繇縣北過砂村至芳蘭村深濶各一丈初開於宋
久湮元至正五年復濬張惟善記後廢

北受羅渠起忻州白村經上下湯頭北受羅于家莊至廻
鳳西沙坡

馬房營渠起下湯頭入馬房營

南受羅渠起下湯頭入南受羅村

北莊渠起馬房營北經南受羅入北莊

南莊渠起馬房營南經南受羅北莊南莊諸村至西東作
二村

黃嘴村渠起代郡經南莊黃嘴至高村

林木村渠起高村西南經莊頭至林木村合泉水漑稻田

邱村渠起高村西南經莊頭校尉營入邱村灣

藍臺村渠起代郡經西營村入藍臺

西營村舊在藍臺北
因河決五遷今在南

南關渠起代郡北經西營西河頭諸村入南關

西關渠起代郡南經羊房村入西關

北關南渠起羊房村西經古城右入北關

北關北渠與南渠並列傍大河東行至石牌灣

神山村渠起莊頭村經北關王進村師家灣入神山即通
利渠之故源也

王進村渠繇縣北至師家灣明晉府屯地也曩直抵師家
灣今裁漑村中而止

崔家莊渠起莊頭經北關入崔家莊後淤萬曆四十一年知縣王立愛復開濬有碑記

趙家營渠起崔家莊入村

衛村南渠起崔家莊經鎮安村南神山村北至南作村合

牧馬河

衛村北渠與南渠並行繇鎮安村歷衛村至管家營

草冊不載

北渠蓋衛村南北二渠併為一渠也許村渠起鎮安村經嘴子馬成諸村至劉念村

南作村渠起衛村西北經管家營入南作村萬曆四十二年知縣王立愛開

以上引漳沱河水

牧水渠元至元八年開繇智村南引水入古城繇西鄜村合

牧馬河明洪武二十七年忠義坊副使高茂率族再濬後廢

智村南渠起忻州北霍村南入智村西

智村西渠起智村西南入村東

智村新渠起智村西南入西北萬曆四十一年知縣王立

愛開

西邢村渠起智村東經西邢入張趙村

張村渠起西邢村西經張村至董村

待陽村渠明天啓四年開起張村西北經董村漑待陽村

至南西鄜村有碑記

冊不載

以上引牧馬河水

鐔村渠起呂布池合流北至李家莊分四小渠

南邢村渠起小霍池經南王南邢待陽諸村至趙村合牧馬河有碑記

中霍渠起三會水引溉中霍村

小霍渠起呂布池引入小霍村

官莊渠起呂布池定五分水則例溉官莊村有碑記

以上引泉水泉水五渠冊俱不載以其微也

金元好問滹水渠堰記州倅定襄李侯于成曰宋爾朱氏欲從忻口分支流爲渠自沮而罷大定戊子信武喬公號稱十萬復以渠爲事開及向陽里農民以盜水致訟役夫散歸至以水田爲諱僕經始於壬寅之八月起湯頭嶺西之白村上下逾六十里經建安口乃合流又明年之三月張樂以落之又曰出東門一舍少折而南繇三霍而東儘

南邢之西其間無井邑無聚落無邱壠特沮洳之樂而已若能引牧馬之水以合三會於蒙山之麓平湖渺然多倍晉溪之十惜無大農尺一之版使扁舟落吾手中耳

元張惟善修通利渠記河東冀寧之九原古襄五仙之砂里爰自宋金里西舊有通利渠旣湮沒矣中統至元初里人州將樊侯率本里同利之人選才者甲之尋故迹自縣城北決引滹水注東北經神山東南起土築堰橫截牧馬河流灌溉本里及鄰境農田是後洪水侵噬渠道阻隔土益淤水益縮至正壬午申侯愿惻然選砂里幹人前務副武從隆爲之長復通故迹相舊堰東將里西地形高阜跨石崗創開巨渠一節深以丈底廣如之面廣加底廣之倍上疏其源下濬其流壘如深廣之度接連村落首尾五十

餘里支渠小堰經緯分明溉民田無慮若干萬畝
 知縣吳會暉官莊渠碑呂布池在小霍村中官莊離渠七
 里二村各用五分築堦為界各由渠路使水無得中途決
 口截流如馬跑柳鉢東凹諸泉亦隨池界為界
 神山渠碑通利古渠自滹沱河取水而師家灣小王村地
 畝胥藉灌溉春秋挑濬設立渠長

滹沱牧馬二河雨漲多衝決即春時冰泮木橋亦多漂流
 靜樂縣

靜樂縣雖為汾河發源地而水流山隘不能開渠引溉古無
 渠道
 舊志汾河所經多開渠溉田獨靜樂水勢急疾多衝決之
 患無水利

東城外碾河堤明初知縣楊大德因金元舊址起塹袤百
 丈有奇捍水不侵民廬民德之後河漲堤圯正德初知縣
 朱麟增築又建碾河橋於其尾十二年河漲決堤梁暨南
 郭外水磨後知縣王鏞修復嘉靖三十二年河大漲衝南
 郭民廬三百所古堤踪跡至是蕩盡矣隆慶萬曆間屢修
 屢決萬曆二十六年知縣楊登科用石甃砌於舊址東北
 抵石山麓起堤下西南袤九十七丈有奇高六尺底廣一
 丈有五尺頂廣一丈三尺入地下石條凡三層層厚一尺
 博一尺五七寸有差乃逼水東南下離城可二射許而郭
 門外又築小堤二十丈有奇以防不虞壬子河大漲衝石
 塹二十丈知縣程希堯補之

國朝康熙十五年典史辛曰杰修舊堤堤畔栽柳成材三十

二年三十九年碾水再衝堤胥緣舊塹修築焉

津梁 十女映湖

忻州

巨濟橋在東門外

西張橋在南門外

定襄縣

襄濟橋在蔣村

牧馬河橋在張村鐘村待碭村西鄜村各架木橋冬架春撤

滹沱河橋在高村結構木橋

靜樂縣

東濟橋在西七十里

普濟橋在縣西汾河上

通濟橋在婁煩河上後圯

普惠橋在西關河上明萬曆間僧隆賢建寺前有橋

山西通志卷第三十二

山西通志 卷三十三
東旺村西旺村園子村地

以上渠四道始立夏日按時日分水程自上而下以次引溉渠頭司之

舊志峪口河東南五十里卽鳳遊峪口源出楊林嶺經峪口村民引溉田

西峩河西南十里源出荆山茹僕射嘗教民溉田 代多山少水卽滹沱名河冬春間一衣帶耳泉出雁門支渠漶漫又散逸不可收拾

漢志注累頭山治水所出東至泉州入海過郡六行千一百里

雁門郡治廣武井水鹹苦民皆擔輦遠汲魏黃初中太守牽招準望地勢因山陵之宜鑿原開渠注水城內民賴其

益

唐僕射茹昇治峩谷水穿渠溉田

東關河發源雁門山緣城東南入滹沱明時水漲幾及城兵備張濬潘倣築堤遏其衝

成化間州人孫鳳視聶營地知下有泉教居人疏鑿而溉小田近萬畝

五臺縣

縣東

龍灣泉二池發源龍灣寺引渠三道溉醬房東峽村西峽村地

臺山河發源北臺引渠五道溉上峪松巖口上耿家莊河西河北高洪口村地

縣南 盧虎河發源縣北小王村引渠四道溉孤獨店下耿家莊教場村羅家莊地

小營河發源縣西泉巖村引渠六道溉東冶鎮五級村永安村槐陰村石村地

縣西

小營河繇河引西南河渠二道南北河渠三道溉泉巖村郭家寨大興村地

以上諸渠因地畝定水規立夏日始以次引溉渠長司之

舊志盧虎河在西北十五里先為豪右所占天順間知縣李華刻石以杜訟溉郭家寨大興槐陰東冶等村名豐樂

襄陽府推官智幾先記

東峪河源出移城村經孫家莊百蘭村溉田入河門與滹

沱合

東鄉龍灣寺清泉瀉於澗下滋灌秔稻

繁峙縣

舊志峩河在縣西二十里發源黑龍池經崖頭等村

漢志鹵城滹沱河東至參合入滹沱別過郡九行千三百四十里并州川從河東至文安入海過郡六行千三百七

十里

滹沱河源出繁峙縣泰戲山即今小孤山流甚細涓涓如瀉壺

色青黑西南流數里合玉斗泉水一名龍泉又數里合三泉水

至砂澗東合北樓口水至新興村合華巖嶺水西入代州

水勢漸巨沉沙浴泥沿代城南西環如帶三里許合三里
河水又十數里合羊頭神河水又數里合九龍河及西峩
河水遂至崞繞城之東環抱城來宣普濟二河水不數里
合陽武河水陽武性湍急自西入滹沱而滹沱水益巨又
淺深無定如黃河以沙爲岸難築堤防澇則患崩塌旱則
滋灌溉所經之地利害各半又六十里合坂市河水自蝦
蟆石東折而過忻口入定襄橫北東流合雲中河水水性
馴順土人引以溉田水利大興自河邊抵五臺合泉岩東
峪二河水遂過孟縣繇浮石口入原仇北境合烏河水東
流入北直隸正定府平山縣
繁峙滹沱河自上而下水勢陡瀉遇山水暴漲一湧輒涸
瀕河民田不能設立渠道

魏志漢建安十一年鑿滹沱入汾名平虜渠

崞縣

陽武河渠發源縣西南陽武峪口自西而東經行二十里有
奇

河南岸官渠起上下陽武村西分流引溉上下陽武村施家
野莊村大牛堡村大牛店村南申村陳家野莊村神山村趙
家野莊村默都村三吉村沙城村魏家莊村薛沽村石封村
等十四村田

河北岸繇河引溉西會村上下申村賈陀村上大林村下大
林村等五村田

以上諸村計田畝多寡定用水日期繇立夏起分定日
舊時循上及下以次引溉

舊志陽武河縣南二十里源出太子崖居民分支灌溉其利頗饒

林 十一渠 大蒲灣渠 白家渠 陽武渠 大牛渠 三

吉渠 賈陀渠 大林渠 龍泉渠 石寺渠 申村渠

津梁 滹沱渠胥資灌溉

津梁

代州

鐵柱橋在東門外兵備張惟誠易以鐵柱故名

峪口橋在東南十五里

傅家坪土橋在雁門關外

滹沱橋在南門外滹沱河明正德五年知州張鉸架木為橋

以通南山萬曆十三年兵備張惟誠重修長七十五丈寬

八尺羅以修欄但木橋易頽屢廢屢建而不能以石易之故要道終阻耳

五臺縣

西巡橋在臺山峪寺前舊名巡檢司橋康熙二十二年因

聖祖仁皇帝駕幸臺山易今名

通濟橋在孤嶼溝

白梁橋在滹沱河上民徐鴻鳴歲冬架木為之以利行人

繁峙縣

普濟橋在平刑關石澗明萬曆三十七年七月善人白珠募

永建南通京都大道山水衝激

國朝雍正十年七月重修

恩寧縣

山石通志

卷三十三 水利

五

迎恩橋在南關外金太和三年游居士建又名南石橋成化六年知縣吳祥修

永安橋在南關外成化間知縣吳祥建

來宣橋在北關外舊名北石橋金太和三年游居士建明洪武六年重修改今名

寧靜橋在西一百里嘉靖間知縣劉誠建

保德州

直隸

保德東自天橋西至馮家川黃河經流百餘里兩岸皆夾大山間有河灘夏秋多湮沒

舊志西溝在西城下源出峰子嶺由下園頭入黃河舊溝畔灌溉畦園今衝沒

石梯灘水東北二十里明季灌溉稻田今衝沒

郭家灘東十里計溝中水可溉田百畝有奇明萬曆間河水衝決遂失利後知州胡柟查灘未盡沒乃修堰引灌焉保德瀕河且衆泉爭流乃亢而不下者勢與水違與波俱逝者蕩爲巨浸堤堰莫施桔槔徒巧

保德諸灘舊皆引河水或汲井泉澆溉菜菓茂盛自明季河變以後遂成巨漫焉

州西北至積石二千五百里南距龍門五百里則禹之經此固無疑也且天橋峽口三石頭白馬崖兩山逼狹水勢阻礙納大河於數丈之石峽不見其溢真䟽鑿神功州北二十五里舊有禹廟今河岸有禹餘糧石張茂先博物志云禹治水棄餘糧於江化爲石觀此益信
明萬曆戊戌六月二十四日暴雨三日夜城圯百餘丈二

十七日東西灘畦盡沒二十八日河水瀾岸晡驟溢南抵
龜棧北抵府谷崖路高湧數十丈上至鐵匠舖下至馮家
川延袤百里失村曠三十有四官民船二十有一

河曲縣

河曲縣四面山坡民藉以耕種雖有黃河經流瀕河皆山無
民田

舊志鎮河口在縣西北四十五里居民引以溉田

葬溝在東一里井峪溝在南一里龍門溝在西一里均資

灌溉

津梁

保德州

東溝渡在州城下官渡通陝府谷要津

故城渡花園子渡紫家窰渡韓家川渡桑園渡神山渡胥在

西馮家川渡在西南 水寨渡在東北 天橋子渡在

東民渡詳關隘

天橋在東北二十里下深澗上接石峽橋跨兩山之崖金貞
元三年僧法利募建

化龍橋在城內儒學門東阻城中水使北流

石梯橋通河曲道屢被水衝

保德橋在南門外明弘治十四年知州楊光澤修久廢

國朝康熙二十七年築土橋

惠民井橋在城西南井溝明正德八年建

國朝康熙十六年鄉宦白詹三十三年知州唐文德重建

河曲縣

山西通志 卷三十三
唐家會渡在西北六十里專以濟渡官軍北通宣府大同西
通陝西榆林寧夏船二

陰灣渡在西北四十里

楊免渡在西北三十里冬月黃河不凍

芽子波渡在西五里通陝西清水黃甫川等處

倒回谷口橋在西南三十里倒回谷溝上金貞元三年僧法

利募建

九梁橋在北一百里宋慶曆年間建

星坐土橋在東北十里通偏關路

澗虹橋在南門外跨大澗河上順治五年巡撫祝世昌知縣

馬雲舉創建苗給諫有記

解州

直隸

解州雖有溝渠堰壩皆擁護鹽池民田不能灌溉

舊志通濟渠州城南古引噴雪巖水入城明弘治九年知

州李溥重濬萬曆十六年蒲人修堰壅水道水不入城二

十五年知州賈化醇申鹽院復其舊民甚便之

大水澗會小水澗入女鹽池水勢甚巨築五龍堰防之其

自城南者入通濟渠穿城過均惠亭溉城中圃

靜林澗源出中條山頂爾雅所謂沃泉懸出者是也北流

經寺東寺僧暨左右居民傍山半引水溉田引水之法以

時刻計名一分水自司空表聖定王官引水法後世因之

北流經紅臉溝入臨晉境

黃花谷谷有水可溉田

城內灘在城西北隅滙州中潦水爲池久寢生泉亦生鯽

魚豐而短味勝別產康熙壬午癸未間州人學種蓮蓮輒

茂

安邑縣

舊志青石泉東南三十里出中條山溉田數頃

苦池灘東一十三里夏縣東山巫咸谷諸水流入可引以

溉田

東郭灘東南十里餘隣鹽池地數十頃中有大堰起楊家

莊至東郭灘堰東乃腴地也堰西民田水澤相半

黑龍堰自東郭北抵任村防條山磨兒盤窰子溝界灘諸

水衝決鹽池

壁水堰自聖惠鎮抵界村防黑龍堰潰決

東禁堰在聖惠鎮南鄰壁水堰防東灘諸水

雷鳴堰在東郭村南

常家月堰蝦蟆堰胥在西姚村

小李村堰大李村堰胥防中條山諸水

西姚村東南堰防中條山諸水

新堰沈家堰申家堰白家堰匙尾堰胥在湯里村

備水月堰河北小月堰胥在苦池村

小堰在界村西北

七里堰在張村胥防東灘諸水

永豐渠宋仁宗天聖四年閏五月陝西轉運使王博文等

言準敕相度開治解州安邑至白家塲永豐渠行舟運鹽

經久不至勞民按此渠自後魏正始二年都水校尉元清

引平坑水西入黃河以運鹽故號永豐渠周齊之間渠遂

廢絕隋大業中都水監姚暹決堰濬渠自陝郊西入解縣民賴其利及唐末至五代亂離迄今湮沒水甚淺涸舟楫不行詔三司相度以聞

安邑姚暹渠所以防護鹽池嚴禁盜決私開民田無繇資其利涑水河春夏乾涸卽夏秋漲發岸高河深直瀉而西亦難資灌溉民間皆未設壩

姚暹堤在東北自楊家莊西至五姓湖障夏縣西流諸水以防池害

涑水堤在北相鎮之北

何東序西小池垣記萬曆戊戌頤所汪公週池爲垣及高予厚增陴其上金井賈瓦合爲一區丈週一千四百永小自爲一區丈週四百池各門一廳事五蘇老三池今涸不

載

吳楷鹽池石工記萬曆二十有四年臣楷度勢審形池之南面短堰爲急當起石臺二座三分黑峪溝之水以瀉於賀家灣龍王二堰又須護堰長堤一條以折其悍而杜其溢北面諸堤如蟻穴焉其要害者當鎔灰延石削土鳩輓西卓刀等堰易補苴而九里堰在東面者石脚傾圯殆半乃按籍而課工程甄石工計長三百四十二丈五尺土工計長二千一丈三尺

李濂李越傳辛酉敕理河東鹺政時鹺池苦潦歲縮涸者公悉令築防延袤數里而國課用饒

夏縣

夏縣舊無渠道

舊志橫洛渠縣東北周村方山諸谷遇雨漲淹沒民田歲
煩修理流至縣西北尉郭會縣北趙村北津諸河至禹王
城西南會於白沙河

白沙河河流高出地上去邑城僅半里許上流濶十數丈
下流濶僅數尺漸次狹隘勢不能容故河壅堤潰無歲不
然決而南則潰李綽堰而害及鹽池決而北則害被城關
而餘波延及村落爲禍甚劇治之者以疏濬下流爲急而
增高堤岸次之

白沙河一名巫咸河發源中條山出巫咸谷經邑南關外
西流三十餘里南轉會入姚暹渠明萬曆十四年七月一
日水潰決北堤漂南關民居數百家男婦三百餘口知縣
柳佐高奎相繼修濬天啓間夏水暴漲知縣程登龍復挑

濬崇禎六年南堤衝決石壓民田

李綽堰舊名永豐渠在縣南發源平陸縣至夏縣王谷口
而出北流合夏縣史家谷鷓崖溝等入澗水至卓義橋會
爲一西轉三里名姚暹渠下流南轉會巫咸河至蒲州孟
盟橋會涑水會入黃河今多澗隋大業間都水監姚暹重開
故名暴雨水漲蒲堤潰渠決水入鹽池則鹽花不生隆慶
五年巡鹽御史郜永春檄蒲解屬十縣夫修築高厚時有
損壞歲加修補

蓮花堰二胥在牆下村南防湧金泉水流入鹽池匙尾堰

中縣西

司馬渠引涑水以溉民田相傳司馬溫公開濬故名

湧金泉在西南十里墻下村入安邑黑龍潭世傳水潛行

地中入鹽池則生鹽花故名
蓮花池二一在城中西北隅環一頃八十畝一在城東北
隅視西池差小有水時居人多植蓮其中但近池地易被
浸毀或穿城西北隅安鐵牕以殺水勢
高德鐵堰在北五十里聞喜接壤處中條山谷水出北注
聞喜美陽川大澤中北溢爲小澤復南溢入夏縣青龍河
近山古有石堰覆土障水因其堅固名曰鐵堰督工官名
高德因呼高德鐵堰

平陸縣

平陸皆崇山峻嶺近河民田亦無渠道

舊志盤南澗東十里源出中條繇石槽溝南下至盤南有
灌溉之利

三汭澗北三里發源中條山二溝合流至此崖斷支分東
南入於河臨溪圃人引水灌溉

沙澗東二十里源出中條山東南谷至沙澗入河頗爲民
利而澗口多沙石云

響泉北四十里中條山東泉甘澄居民日汲飲焉

魏公渠北二里萬曆三十三年知縣魏學徵引水入城自
縣署遶學宮之左注泮池內溢於南郊民資灌溉

典文渠曹于泮平陸縣創鑿典文渠碑參知政事詹公命
邑令魏君引澗析渠環遶城邑魏君遂廣謀詳度庀材鳩
工鑿渠導澗高者穿洞卑者築堤繇城北流入縣治徧及
公署泮宮通衢委巷疏通足以破窒聯絡蔚乎有章旋出
城外灌田三百畝許復於邑之良方甃甃石爲崇臺始於

山西通志 卷三十三 三
萬曆甲辰七月之望越月工峻而以興文命渠

唐太原倉水陸運所湊轉屬諸河開元中陝州刺史姜師度使依高爲厓而注米於舟以故人不勞

岐下歲輸南山木棧自渭入河經砥柱之險衙吏踵破家僉書鳳翔判官蘇軾訪其利害爲修衙規使自擇水工以時進止自是害減半

縣志大河旋遶邑境沿河灘地苟無衍溢最宜麥豆一或泛漲則盡淤矣比來狐家窩至盤南舖水勢北騰濱河地裂幾十里許然斷岸巉崖土多沙石豈當時原自盤陵之下循東西灣爲故道耶

芮城縣

芮城瀕河民田河卑地高約數十丈舊無渠道且水勢浩激

難以開鑿

舊志大安池北五里居民引以溉田

鹿跑泉東北八里中莊村一名靜深泉清徹見底大旱不減霖雨不溢居民引以溉田

葡萄澗縣西二十里鄭村有泉五眼俗謂五股泉南入黃河

地皇泉西北十三里山麓地皇氏廟前流經魏文侯故城合通澤泉可溉田

通澤泉北八里舊決渠引水入城灌衛生池泮池後塞

津梁

解州

金井橋在西北十六里土人名侯村橋

鳳尾橋在西十五里賈村後鳳尾堰後廢

郇瑕橋在北十五里近郇瑕舊城土人名羅义橋迤東有鸞

橋麻村橋

以上五橋胥跨姚暹渠

凍水橋在西北三十里三婁村接虞鄉坑頭鎮

龍居橋在東北十五里

通利橋在西門外二里跨大水澗土人名石橋

南門橋在南門外康熙初建

安邑縣

大石橋在東十三里苦池灘南

小石橋在北三十里王范村

弘濟橋在北門外明隆慶間知縣劉希孟建

北路村橋在運城北門外明嘉靖間巡鹽曹邦輔建

西石橋在運城西五里姚家莊

通惠橋在東門外明隆慶間知縣劉希孟建

通濟橋在東門外

夏縣

弘遠橋在西南六里朱呂村其岸卽李綽堰山水常泛濫明

隆慶六年知縣陳世寶建

禹城東石橋在西十五里禹廟前橫洛渠之經流也明萬曆

二年知縣陳世寶重建

凍水橋在西四十里水頭鎮凍水上

卓義橋在南五里明嘉靖八年齊忠義募修

黃落渠橋在北十里尉郭村

大南橋在南關勝覽樓下係巫谷口水漲易傾明隆慶六年

知縣陳世寶建萬曆十四年水毀

巫咸橋在南關外後圯

平陸縣

茅津渡在東南二十五里黃河北明洪武三年置巡檢司秦

穆公自茅津濟卽此

白浪渡在東南一十八里黃河北舊置巡檢司

大陽渡在南二里晉圍上陽在渡北岸

洪陽渡在西四十里

三門集津渡在東五十里

八政橋在東三十里八政鎮明萬曆間巡鹽御史吳楷汪以

時繼修

芮城縣

陌底渡在縣東南四十里王村一名竇津渡通河南靈寶縣

舊設巡檢司今仍之

絳州

直隸

澤掌莊村北浸水泉三孔渠二道溉澤掌莊村南地餘水流

至鼓堆莊使水七分蔡村使水三分又流至下蔡村使水七

分鼓堆莊使水三分胥輪溉

鼓堆莊清濁泉蓮花池以泉出鼓堆莊溉地無番期下流溉

馮家莊無番期下流至席村莊有激水石閘渠道繇上至下

五里西南引溉席村李村蒲城三莊地胥輪溉下流又分

爲三渠東一渠溉三泉莊二晝二夜白村并婁李三晝二

夜李村并婁家莊一晝二夜上下孝林五晝五夜上下石村

五晝四夜王莊二晝二夜磨頭莊二晝二夜郝郭莊三晝四

山西通志 卷三十三
夜北關廂四晝四夜 西一渠溉王馬莊三晝三夜龍泉莊
三晝三夜蘇村東西二社六晝五夜古交莊三晝四夜周村
南北二莊六晝六夜 中一渠溉橋西莊一晝一夜中社莊
二晝二夜南社莊二晝二夜王村莊三晝三夜又自橋西分
水三分溉橋東地胥輪溉

史家莊紅葉溝泉溉劉雅莊六晝六夜曲村莊四晝四夜栢
璧莊二晝二夜胥輪溉堡莊用水在劉雅曲村渠內

康村峨嵋山下泉溉康村蘇陽二莊一晝一夜三張村七晝
六夜梁家莊一晝二夜栢璧莊一晝一夜胥輪溉

泉掌關聖廟泉溉泉掌鎮地二十有五 一週 泉掌鎮東
南活潑泉春口泉溉泉掌鎮地十有九 一週 泉掌鎮東
浸水溝泉分二渠 東一渠溉西韓梁十有一日十有一夜

東韓梁六日六夜下堡八日八夜辛堡三日三夜 西一渠
溉泉掌鎮十有一日十有一夜西韓梁十有三日十有三夜
胥輪溉

丁村莊小泉一孔開渠引水輪溉丁村莊地

馬首山天雨猛水古設渠道輪溉南北董村李家莊官莊地

以上十有三渠先後次序分守時刻胥載古碑

絳州雖臨汾河而水勢直瀉難以引溉舊未設渠道

舊志鼓堆清濁二泉合流而下浸成大溝水不能及溝上
地隋正平令梁軌謂水動物也順之則下激之則上乃因
地宜以激水迄千餘歲雖小有變更而大勢因之今水道
清泉下建木閘激水溉溝東地三泉莊二晝二夜白村并
盧李村三晝二夜李村并盧家莊一晝二夜孝陵五晝五

夜石村五晝四夜王莊二晝二夜磨頭二晝二夜祈郭三晝四夜北關四晝四夜舊靈邱府一晝一夜州衙一晝一夜凡二十有九日一周大溝漸濶漸深土人名天河於席村北建石閘激水東南漑白村地三頃西南漑席村李村蒲城地九頃水西莊北建石閘激水經莊東少南鐵鑄分水口一口漑南北王馬莊三晝三夜龍泉莊三晝三夜蘇村六晝六夜古交莊三晝三夜周劉村六晝六夜凡二十有一日一周一口注天河至三林北又建石閘激水漑三林橋東橋西地無番次鼓堆西一渠經蔡村漑三泉地八頃無番次今王府廢水更番漑民田

鼓堆泉溝東流出自清泉混混繇石中出歷代不敢取石懼石去氣洩而泉涸也萬曆三十四年取石築汾堤水西

莊又取石為橋及今不禁相援為例

王馬七莊水番時刻有期未到不敢先既過不敢復私約重於官法至東渠既有稻田又有池沼而其壘漑者亦如之

泉掌鎮泉關廟前一大泉一支漑鎮南一支漑鎮西各地三四頃鎮東有水溝溝左一泉名大渠漑辛堡下堡韓梁左邊地二十有五日一番溝右一泉名小渠漑辛堡下堡韓梁右邊地二十有四日一番其他活潑泉春口泉馬庫泉蛇泉各漑地不等

蘭村泉西北山半出泉水細無聲至卯午酉三時水湧出有聲似潮汐然土人名溢水經史家莊曲村栢壁漑溝澗傍地甚夥

龍谷泉州東北十八里龍香村左傳龍見於絳郊卽此亦
隋令梁軌開鑿溉三泉諸寨田

丁村泉溉丁村葦地甚夥

澤掌泉西北二里有眠窩泉馮泉永和泉其利甚溥

龍頭泉在眠窩三泉東北一里合流溉龍頭泉莊鼓堆蔡
村地三頃水性寒不甚發苗

薛郭泉溉古交地二頃

馬首峪雨水自稷山三界莊而下分爲二渠一經北董北
張燕村行莊南社塢一經南董李家莊梁莊郭馬武平各
溉地不等山水發苗勝於百畝之糞

唐貞元中絳州刺史韋武鑿汾水灌田萬三千餘頃

宋尹仲舒鼓堆泉記水源數十環鼓堆屬沸雜發滙於其

南容爲深淵中多魚鼈蟹鮪水極清潔洞鑿毛髮盛寒不
冰大旱不耗淫雨不溢其南纏爲三渠一載高地入州城
周吏民園沼之用二散布田間灌溉萬餘頃所餘皆歸之
於汾田之所生禾麻稌穉肥茂薊甘異他水所灌

薛宗孺梁令祠記隋開皇十六年內軍將軍臨汾縣令梁
軌以亢陽頻災遂跡晉之故道審勢逗絕疏源分派乃開
渠十二率灌田五百頃貫刺史牙城蓄爲池沼迤邐閭落
浹洽園圃歲無旱憂邑民歌頌刻石以戴其賜樊宗師守
居園池記言水自正平軌

孫冲刻絳守居園池記如曰水本於正平軌正平帶郭縣
也隋開皇十三年內軍將軍爲臨汾令臨汾卽正平也十
八年改正平焉軌字世蕃材令也患州民井滴生物瘠疲

山西通志 卷三十三
因鑿山原自北三十里引古水圖經云鼓堆水地缺絕經濠坎則續之以槽穿城墉入衙注池別分走街衙阡陌灑灑然鳴激溝渠又灌溉畦町訖入於汾河

神宗九年八月程師孟言河東多土山高下旁有川谷每春夏大雨衆水合流濁如黃河礮山水俗謂之天河水可以淤田絳州正平縣南董村旁有馬壁谷水嘗誘民置地開渠淤瘠田五百餘頃其餘州縣有天河水及泉源處亦開渠築堰凡九州二十六縣新舊之田皆爲沃壤嘉祐五年畢功纘成水利圖經二卷迨今十七年矣聞南董村田畝舊值三兩千收穀五七斗自灌淤後其直三倍所收至三兩石今臣權領都水淤田竊見累歲淤京東西鹹鹵之地盡成膏腴爲利極大尚慮河東猶有荒瘠之田可引大

河淤漑者於是遣都水監丞耿琬淤河東路田

元王沂李榮祖政績碑水利不通不知幾何年矣聞北山有孚惠廟尤不知其爲孰也公旣至遂得一斷碑於草莽合泐而讀之方知爲隋臨汾令梁軌水利碑今改縣爲正平矣上載通渠十二公循其跡衍而鑿之乃滌其源而疏其流濬其窒而通其礙俾行者不漫漶蓄者不泛溢或上或下而順其勢或分或合而依其經故田園有灌溉之澤東而川派無壅竭之患闔境皆受其福復爲梁軌修廟植碑以著其績

汾水自北而南曲折而西少曲而北明隆慶元年衝南城齧南門外大街知州宋應昌創砌石堤自禹廟起至城西角止共三百餘丈

國朝順治九年汾水漲衝南門前樓齧摧石堤數十丈補修
康熙初石堤復壞補修

聞喜縣

涑水河渠發源絳縣至縣境東外村堵渠溉東外村喬寺村
東山底村西山底村灌底村坡底村柳泉村愛裏村劉家院
村元家院村蔡謝村下呂村侯村地三千六百四十八畝
溫泉渠發源東四十里官莊村溉黃蘆莊上峪口村下峪口
村地七百五十六畝

甘泉渠發源東三十里黑龍溝溉交水口村背後村東鎮地
三百五十二畝九分

南山渠發源縣境南山溉偏喬村栢底村蔡村后宮村地一
千三百四十六畝二分

湯王山渠發源縣境中條山小澗河溉董村河底村蘇村南
陽村中申村寺頭村店頭村姚村坡申村馮村地一千六百
七十三畝有奇

野狐泉渠發源北二十里水勢涓微溉栢樹神村薛莊白土
村地二十二畝

以上涑水河渠一道泉水渠五道胥設牌面定番次立
界限接地畝多寡定溉田時刻

舊志羅公渠發源絳縣烟莊峪其堰有五開於宋熙寧間
者三開於明洪武間者二 第一堰溉東外喬寺東山底
西山底等村地十頃卽舊志康寧里也知縣李如蘭改豐
泉里 第二堰名王公渠亦發源烟莊峪宋熙寧間開濬
明正德間知縣王林以上流專利渠屢壞考景雲宮古碑

定分數嚴界限至今名王公渠溉柳泉愛里東觀底東劉家院田渠口在絳縣磨裏村堵截 第三堰溉喬寺村地五頃一十畝卽舊志義寧里也改青中里 第四堰溉西劉家院元家院大蔡謝小蔡謝侯村等地二頃五十畝有奇卽舊志晉寧里也改南鹽里 第五堰溉東下呂西下呂等地四十畝有奇卽舊榮田里改常寧里 五堰遼遠數十里盜決占愴者多嘉靖三十九年知縣羅田置牌定番次選渠長申盜決之禁渠民名羅公渠至四十二年知縣李復聘復申嚴焉刻石元家院

溫泉渠源出黃蘆莊溉上谷口下谷口黃蘆莊田

甘泉渠源出黑龍溝溉交水口上下東鎮背後村田

雷公渠源出野狐泉由白土溝至城西北三里姚村出溝

行平地前代嘗引入城嘉靖間城北地中尚有通水瓦桶萬曆間知縣雷復定分數始姚村次王順坡下白土中白土上白土山家莊坡底薛莊宋家坪戶頭諸村輪溉月一周名雷公渠 舊志附入新城王公渠內誤但後土壅泉涸爲利甚微

沙渠東南二十五里渠口在寺頭村東北以村旁有廣教寺唐貞觀間敕建故名唐渠今名廣教寺爲沙渠寺後因設寺頭村土人又名渠爲寺頭渠唐地里志縣東南二十里有沙渠卽此沙渠寺寺頭村等地引溉十七日一番又儀鳳二年詔引中條山水於南城下西流十六里溉涑陰田

北河渠水自橫嶺關來沿河開渠輪溉後宮柏底茨凹里

南王莊河底田二十二日一周

董村渠渠口在村東秦王澗下故有渠久廢明萬曆二年知縣王象乾修因名新城王公渠漑董村北郭衛村田共二頃四十畝有奇十七日一周滲渠水二日三村金山莊輪用

南陽渠渠口在河底村南漑南陽蘇村中申田

蘇村渠渠口在蘇村東漑村田

小寺頭渠渠口在蘇村南漑小寺頭陽社西郭田

陽社渠渠口在蘇村東漑陽社小寺頭田

西張渠渠口在蘇村三皇廟前故渠久廢明萬曆初知縣王象乾修亦名新城王公渠漑西張東張田一頃一十畝坡神渠渠口在坡神村東漑村田

下莊渠渠口在下莊村東坡神渠下漑下莊馮村田二十一日一周有渠上水三日坡神用

南姚村渠渠口在南姚村北漑村田

金賈葵董池神廟記一日過乾河登清原南下望澄瀾浩渺草木蒼鬱原下居人數十家皆臨水而居問之則董澤之蒲可勝旣乎杜預謂在縣之東北卽此地耶澤畔之民藝麻植稻接畛連溝或織蒲而席或鼓棹而漁泂澤而東菱蒲映水楊柳參雲其北有高平之地則廟在焉

李汝寬護城石堤記涑水發源絳縣橫嶺開烟莊谷出谷卽聞喜義寧諸里地自有宋熙寧開渠漑田至今不廢蓋上下三十里間而水幾涸矣又三十里帶城南而西入夏臺達於黃河皆伏流之餘也故水亦不能爲城害惟是天

作淫雨過水既無所分而中條山水北入峨嵋嶺水南入於是水勢滋大而南城之西偏壞此東海王侯之所以議砌石堤也長以丈計一百六十有奇高以尺計二十有二濶下殺其高之半上殺其高之十有七而土不與焉

河津縣

遮馬峪渠在西北三十五里瓜峪西泉繇山峽中出開渠引漑固鎮里劉家院西磴干澗諸村地

瓜峪渠在北三十餘里紫金山麓西距遮馬峪十里有奇懸崖峭壁水由石罅出開渠引漑史家莊魏家院南北午芹諸村地

神峪渠在北三十餘里馬鞍塢山下西距瓜峪三里古樹根下孔大如斗清水湧出開渠引漑南北午芹村地

以上諸渠渠口胥用閘板啟閉有時渠身左右設格牕大小有制繇上達下限時刻以次放注週而復始

河津瀕汾河田河身卑窪難以引漑

明時志遮馬峪泉水縣東北四十里一原坡下唐貞觀中縣尹長孫恕鑿山修爲二渠灌干澗故鎮民田至元大德間下流澆故鎮者如舊上流澆干澗者以猛雨衝斷水落下停民仍供水田稅糧明隆慶五年知縣張汝乾鑿山通渠水利復興

瓜峪泉水縣東北四十里水母廟下亦長孫恕開鑿

以上二渠水各有清濁二渠築自唐時清水自泉出灌近山南北二午芹民田濁水待天雨峪壑水流灌僧樓南方平孫彪東長光得下亭清澗等里民田宋大觀間

山西通志 卷三十三
豎二碑刻石圖置縣廳今尚在焉明戶部侍郎凌公奉
例興修榜諭更定遵守無壞獨濁水分渠西長大澗灌
東長光得下亭清澗等里者嘉靖十一年間山水暴漲
崩入黃河積衝大溝深幾百尺不惟亢燥七里民田而
渠北山道路亦絕嘉靖三十五年知縣高文學刻期興修
三月告成高一百尺厚六丈上爲土橋通濟南北傍疏
間枝渠溉田千頃惜巔頂失防護寢壞明萬曆初知縣張
汝乾視舊址難修築先於上流渠道繇寺莊而下可通
東長光得等里者胥加疏濬遇雨水大泄亦可以徧及
也

河津汾水南有孤稷二山濁水汾水北有遮馬峪爪峪清
濁二水爪峪東有神峪馬鞍塢清水一渠唐地理志載西
二十一里馬鞍塢渠亦長孫恕鑿所謂水母廟下乳泉是
也但渠不在今治西當屬北字之譌耳泉繇神峪越天澗
而南爲清渠一支爪峪篩崖泉繇鴉石距天澗而東爲清
渠一支縣志所謂以上二峪水灌近山南北二午芹民田
其清水胥分時刻載在水規濁水出爪峪有西長澗一支
南下澗一支灌僧樓孫彪東長光得清澗下亭艷方南南
方平等里唐志載北三十里有爪谷山堰貞觀十年築縣
志所謂清濁各有二渠者也

路史禹治水七年三月庚子登覆鬴探穴獲五符知治水
要於是復岳下龍門受玉簡以揆地遂周行天下
漢河東太守雷保穿渠引汾水以溉皮氏縣故渠尚存
魏宣武時劉嵩請疏黃河以通船漕授龍門都將歷年功

不就坐流

唐地理志北三十里有瓜谷山堰貞觀十年築東南三十

三里有十石壩渠二十三年縣令長孫恕鑿溉田良沃畝

收十石西二十一里有馬鞍塢渠亦恕所鑿縣東南唐十石壩渠縣志

并不載宜修復

山堂肆考遮馬谷在平陽府河津縣北谷有水可分渠溉

田

宋大觀間豎縣堂二碑一碑瓜遮二峪用水各渠圖一碑

馬鞍塢神渠峪用清水支渠圖

金時河津舊縣圯於汾元皇慶初移於縣西北一里姑射

山麓今縣是也

馬光遠葫蘆灘浮橋碑邑迤西葫蘆灘當汾流入河之會

為秦晉往來之衝漢淮陰木罌渡軍即此地也水深而濶

行者必以方舟乃得濟壬子作船十六隻橫浮水面聯以

鐵鎖補以木板車牛競渡如履坦途

明洪武二年刑部右侍郎凌氏奉旨勘定申明古制刊瓜

峪水利榜文曰瓜峪清濁二水同出一峪山下出泉涓涓

不絕晝夜不舍者清水也附近居民澆灌大雨時行萬山

歸聚溝澮皆盈者濁水也居民遠者亦得被其澤

隆慶四年張縣張汝乾築堤堰修水利

明萬曆三十二年知縣白鯤修遮馬峪清泉溉干澗等里

民田

稷山縣

縣東北馬壁峪猛水分三路 東路溉三界莊等村 中路

溉小社李老莊等村 西路溉范家莊等村
 縣北晉家峪猛水分二渠 東渠溉仁義等村 西渠溉薛
 家莊等村

縣西北黃華峪猛水分四澗 畝頭澗溉東峪口等村 大
 澗溉邢家莊等村 小澗溉西峪口等村 百口澗溉寧翟
 等村

清水一道隨猛水渠道分水以次溉田兩岸民胥有私渠
 以上諸水胥上滿下流無得攙越渠長司之

稷山縣汾河東接絳州西連河津兩岸瀕河地舊無渠道蓋
 縣境地形卑窪汾水居上河流泛漲易致渰沒無庸引水且
 遷徙不常故古未設渠至於岸上地畝多開井澆溉其左右
 高陂堤岸河水多不能上流難以設渠

舊志馬壁峪澗係猛水古分三路東路首溉稷山三界莊
 餘水溉絳州北董莊官莊光馬莊等村中路溉李老莊大
 社莊廉城莊等村西路溉范家莊張家莊劉家莊東莊高
 渠西社中社等村胥稷山境明時官莊於中路開偏渠奪
 李老等村水萬曆三十九年知縣張思恭復古制有碑記
 國朝康熙十年又起爭絳州知州張琰圭稷山縣知縣顧淶
 初斷令於支流堵塞如東路有餘水官莊方得溉田有碑
 記

小社渠猛水馬壁峪澗中路李老莊村北接水溉小社村
 田
 晉家峪澗內有浸水遇雨漲溉鄉寧山底村及稷山縣薛
 家莊仁義等村田萬曆間知縣李希召均水利

山西通志 卷三十三
東曲渠猛水溉東曲村田

黃華峪澗係清水溉開張東西田雨則混入猛水東澗自上及下溉開張東村圈頭村加莊邢家莊陶梁華峪澗東程社胡家莊梁村段村等地西澗自上及下溉開張西村路村華峪鎮甯翟等村

葫蘆泉城北三里形如葫蘆因名曰溉田數畝流入泮池白楊泉小社村胥溉武平小村上王村洞治莊甘陽村東劉西趙村地武平係絳州

三界莊池城北三十里萬曆間鑿引注馬頭山泉水以汲居民便之

西長池城西南四十里莊近南山井深千尺居民艱於餅纒貯水以飲云

姚莊池城西北三十里隱士姚綬鑿筒引十里餘注水溉田

舖頭堰城東北三十里沙溝廟前甃以障馬壁峪水

薛村堤城西二十五里故有澗無堤知縣吳峻行令民築堤滙水溉田二百畝有奇

唐祐甫汾河義橋記絳人有成橋於稷山縣南汾河水上海入境稱曰孝子初茲縣有具舟之役鄰邑有官修之梁自太原西河上黨平陽至於絳州達於雍繇卒廻程賈人射利濟舟爲捷渡口如肆孝子畚築於激射之旁根柱於沸涌之下曳索辨筏繫舟戾航一歎不可奪志三年其有成功廣可方軌平可轉轂去其飾成無丹艷取其固勢異虹霓

絳縣

頭鄉 楊村莊絳水發源西門外西溝西楊北楊二村瀕水田設渠北楊村正月一日起七日止西楊村八日起十六日止遵水碑輪漑週而復始

冷口峪水泉發源橫嶺關東西冷口宋莊三村瀕水田設渠東冷口月一日起四日止西冷口宋莊五日起十日止遵水碑輪漑週而復始

西棗家莊水泉發源縣境周家莊趙村莊崔必莊溝內西棗家莊柳莊二村瀕水田設渠水程以十二日為度西棗家莊使水七日三月一日起六日止七日為滲潭水柳莊使水三日八日起十日止十一十二日又西棗家莊使水遵水碑輪

漑週而復始

三鄉

大郡莊大交鎮澮河發源大郡莊南大郡大交二村瀕水田設渠水程以十一日為度大郡莊正月一日起六日止大交鎮七日起十一日止遵水碑輪漑週而復始

賀水莊玉龍泉發源賀水莊村西賀水陳景二莊與翼城縣中賀水西賀水西莊裏等村瀕水田設渠水程以四十日為度絳縣賀水莊二月二十五日起引漑一十六日翼城中賀水村引漑九日西賀水村引漑十日西莊裏引漑三日絳縣陳景莊引漑二日遵水碑週而復始

四鄉

范必莊水泉發源莊境東南瀕水田設渠繇上及下輪漑

山西通志 卷三十三
舊志涑水發源東南十五里自陳村峪出伏流地中至柳
四莊復出居民溉田

聖水西十里楊村聖水寺中地列三泉甜苦異味禱雨多
水應疾者飲之卽愈邑所謂古刹靈泉也

泃故郡水出縣東北四十里源方二畝其深不測分三渠一
故郡一陳景一大交胥溉田

逆溝水出東八里泉自溝中北流入曲沃溉田
泃水發源北十五里絳山下入曲沃溉田絳人殊尠資藉

玉龍泉出東北五十里東賀水村之西溉賀水莊田餘水
順流而西溉翼城中賀水西賀西莊三村田餘水又溉絳

縣陳景村田有水程
沙峪雨水東三十里雨水暴漲居民引以溉田

續魯峪雨水東五十里亦通沁水溉田頗廣 邑志曰環
絳皆山僅供薪樵遶山有水惟資隣灌然則絳之水利微
矣

垣曲縣

東河

峪子村渠發源村境方家溝起溉至廟門前止共溉水地一
頃四十五畝

硤口村渠發源村境龍王廟起經譚家溝村石家溝村至李
家圪塔止共溉水地十四頃三十五畝有奇

塏坂村渠發源村境河神廟起至牛家墳止共溉水地四頃
九十三畝有奇

同善村渠發源村境駱駝腰起至太山廟止共溉水地一頃

山西通志 卷三十三 水利
五十五畝
以上四渠胥發自山泉繇上及下以次引溉

西河
臯落鎮渠發源鎮境西門前起至東門止共溉水地一頃三

十四畝有奇
青廉村渠發源村西境起至村東止共溉水地三頃七十二

畝有奇
長直村渠發源村境廟前起至河廟前止共溉水地一頃八

十七畝有奇
交斜村渠發源村境西河起至龍王廟止共溉水地三頃四

十畝有奇
王茅鎮渠發源村境龍王廟起至磨兒溝止共溉水地八頃

九十五畝有奇
柳莊村渠發源村境西磨起經河西村至小楊溝止共溉水

地七頃六十七畝有奇
毫城村渠發源上毫城西窰起經下毫城至春水溝止共溉

水地七頃八十六畝有奇
小趙村渠發源村西境起至石家嶺止共溉水地一頃七十

畝有奇
辛莊村渠發源村境上河起至下河止共溉水地九十三畝

有奇
城垣渠發源演武場起至南門口止共溉地七頃三十五畝

有奇
官店村渠發源村境西河起經上丁村至下丁村廟前止共

山西通志 卷三十三 水利 三

山西通志 卷三十三 三

溉水地三頃五十一畝

舊志堡頭渠 北七里萬曆間知縣趙乾清引水溉田 店頭渠 北十里萬曆間知縣呂恒引水

峽口渠 北三里 塋坂渠 北三里 瞽塚渠 北四里 小

趙渠 西六里萬曆間知縣趙乾清復疏通 毫城渠 西十里 柳莊渠 西

王茅渠 西二里 五龍渠 西二里 官店渠 西六里 社村渠 西二里

長直渠 西三十里 清廉渠 西四里 城東渠 東一里

畢落渠 西北五里 辛莊渠 西三里 城西渠 西一里

出河內軹縣舊名舜清康熙元年知縣董爾性鑿石開渠引水溉田

舜井北四十里瞽塚村流浮井口民資浸田

馬逢造舜井雙池記井久涸萬曆丁未嵩陽梁侯令垣詣

祠拜祀詰久井水湧出父老曰水出幽深至為寒洹引於

溝洫難為禾稼侯曰一轉移之令其委和可資灌溉乃令

創池塘二祠以內砌一池深七尺祠以外更修一池深九

尺遞引井水導利民間灌溉十餘里二麥勃然興矣

魯聖學古渠水利記邑郭外東北隅有龍泉曰滴水泉懸

崖而出上有神祠下有池池東有清波沉水支流自北而

南入大河顧古未有引以溉田者順治己亥邑侯董公爾

性鑿山引水不越月而渠工告竣

明嘉靖九年大雨水圯城南面

嘉靖十三年黃河溢淹南門

十五年水深數尺兩河溢城圯

劉魯護城石堤記垣曲城距山不二百武而遙而毫清河

經其下與黃河口會秋水泛漲萬壑奔注浸城城潰則亟

築令趙公劄護城堤入為御史出按晉議發公錢三千緡
佐堤費堤廣七尺崇倍之下地三尺延長二千七百尺俱
砌以石板庚子正月成尋大水垣恃堤屹不為害

津梁

絳州

澤掌橋在東北三十里澤掌鎮

王馬橋二一南王馬一北王馬在西八里

通津橋在東北二十里龍香里明正德九年建

孚惠橋在西北二十里三泉莊

水西橋在西北十二里

周村橋在西三十里周村

三林橋在西七里三林莊

澮水橋在南五里

寨里橋在北三里明弘治中知州徐崇德建

南門浮橋在南門外汾河上

隱身橋在北關閣下相傳宋太祖微時曾隱身於此

聞喜縣

西門橋在大西門外

西橋在西三里常家房子涑水下流

南橋在南門外涑水上嘉靖元年知縣張問行招僧可良建

黃李汝重張祥碑記

志橋在西三里桃村

金稷橋在東五十里蘭德鎮

橫水橋在東六十里聞喜絳縣之界明正德十一年兩縣協

山西通志 卷三十三 水利
修宋學顏記後廢

河津縣

修福渡在南八里

黃村渡在東南二十八里

黃河渡在東一十里黃河東岸

禹門渡在北三十里唐置龍門關明洪武三年置巡檢司

陶家營渡在西南三十里明平陽衛屯

雙營渡在西南三十五里明平陽衛屯

夾旬渡新莊渡胥在西南五十里

蒼底渡浮橋在南八里崔鳴鶯重修

葫蘆灘浮橋在西南十里知縣馬光遠建胥在汾河上

稷山縣

通濟橋二一在汾河荆平渡口明萬曆間知縣薛承教建後

知縣劉三錫造渡船十一在絳山西南橫水鎮

利濟橋在縣北

通峪橋在西北十五里

廣濟橋在小社村龍王溝

成夫橋在汾河南修善村當稷王山水之衝省祭文世興造

工未竣卒妻賀氏繼成夫志因名

永濟橋在東北五里

萬善橋在縣東五里舖魚兒灣

汾陽橋在西十里吳城村

汾河浮橋四一在稷山縣南二里一在苑曲西一在苑曲東

一在縣西十里李村

絳縣

通濟橋在橫水鎮

逆溝橋在東十里明嘉靖間民王仲英建

趙村橋在西十里

通遠橋在東二十里李冊村明萬曆中知縣李大本建

保障橋在三間村

義濟浮橋在冷口峪中

垣曲縣

濟民渡在南三十里黃河北南對澠池縣南村設舟

王公橋在西北二十里王茅里

南關橋

迎恩橋在西關

臯王橋在城北

葛寨橋近葛寨城

五龍橋在交斜南

湯王橋在上亳城

臯落橋在臯落鎮東

貫溝橋在陳村西

吉州

直隸

吉州并屬縣崇山峻嶺泉水出自溝澗民田無可設渠

舊志甘泉州西街深八尺其味甘甜作酒醋最佳

朱子云龍門未經鑿治時正道不甚泄一派滾入關陝一

派滾往河東爲患最甚今按地勢北高而南下洪水自孟

門大溢逆流其一派滾入關陝者從宜川而南一派滾往

河東者從吉州而南也 禹貢 錐指

鄉寧縣

舊志新濬河渠明萬曆間知縣彭萬里濬河渠十三道溉地三百三十五畝

潞都峪東一百三十五里即今官水峪也歲大雨西山諸水會於此下通襄陵太平界溉田甚廣

溫泉南半里高山之陽湛然深碧沍寒不凝汾山麓西流嶺畔石田資其灌溉

柳渠泉西南七十里源出柳朴渠經流上馬臺澗中溉河津縣水田

龍王池東南半里白石孔中出川田資灌溉鄉寧縣城古瀕河數有水患宋皇祐三年令劉舒改遷故

壘即今縣治也

津梁

吉州

龍門飛橋在壺口石峽上後圯

淇水橋在州宣化坊西下有淇水穿城入河

東河橋在州東

小水橋在長寧門外

旱水橋在北關

鄉寧縣

惠民橋在西關外明萬曆中知縣焦守已改建

永寧橋在舊城門外

隰州 直隸

隰州田耕山上人多窳處惟恃雨澤古無渠道其山水胥入溪河河邊無寸地云

舊志溫泉州北二百里舊溫縣

明范守已徙河築城記隰州川流受高唐溫泉蒲子諸山峪泉源總至暴漲無時城常受其侵齧萬曆壬寅欲徙河流而川中土石雜揉猝難鑿濬至五月終乃得成渠導水西去復聚石爲長堤以防侵軼之虞而水驟至石堤漂沒戊夜水倏流西山下涓涓若衣帶城堦外土石壅起若長堤然所鑿中渠亦淤塞無蹟初西山下土高石堅勢不可穿濬至是一旦成渠長二里許水流其中人皆以爲異蘇萬民范公祠記范公爲堤紫水之滑長八十許丈捍汎濫爲久遠計

蒲縣

舊志通惠渠水自庫拔村南入渠溉田漸引至城由縣治入學宮出復溉民田渠自知縣韓超然始尋壅塞知縣鄭可行復䟽通後又塞

溝渠水縣境河水不能灌溉民築溝渠借雨水以資溉田概不入於河及地多荒蕪溝渠之水多入河河時泛漲齧田爲害

大寧縣

大寧地皆高原峻嶺古無渠道

舊志麻束溝源出捕狐山南流達昕河明成化間知縣劉紹宗傍山鑿石剝木爲浮渠引水入城注泮池中且溉東關園田數十畝後廢

禹貢冀州既載壺口治梁及岐 曾攷曰呂不韋云龍門未闢呂梁未鑿河出孟門之上大溢逆流無有邱陵高阜滅之名曰洪水大禹疏通謂之孟門按地理志謂壺口在北屈之東南而酈道元謂孟門在北屈之西南則壺口孟門之東山也龍門在梁山北則梁山龍門之南山也以是言之其先河出孟門之上橫流而出則知其東之壺口其南之梁山其西之岐山皆墊於水矣禹於壺口之西闢孟門而始事於壺口於梁山之北闢龍門而終事於梁山而其餘功又及岐山焉蓋壺口梁岐一役也其施功皆同時不可分言於二州故并言於冀也

壺口在馬鬪關南二十五里關在大寧縣治西七十五里梁山在韓城縣西北九十里岐山在岐山縣東北十里

呂祖謙曰壺口龍門之上口水之為患本於龍門狹隘故

禹鑿之以行水此用功之最大者
 薛季宣曰傳稱禹鑿龍門儒者多未之信夏書既載壺口不可誣也

路史堯青冀之流皆自其東北走海而冀又上京故治水之急先於河於是發迹壺口治梁及岐南至於華陰東至底柱對孟津疏三門以奠西河

永和縣

永和地皆高原峻嶺古無渠道

舊志曲村渠北五里舊無水地仙芝坊開築漑田

索陀川東三十里

岔口川東北二十里

東峪溝東五里

西峪溝西二里

以上胥開築引水溉田

香巖西北七十里有清泉可溉田

靈液泉東城下舊有碑云河清二年有龍躍自泉中因名

靈液其水甘冽民汲飲於此

津梁

隰州

橫河橋在北六十里萬山之水會聚於此故名

通濟橋在南三十里蒲水上

賀家橋在南十五里南峪村

曹城橋在南十五里

官道橋在北二十里蓬門村

永濟橋在東門外明弘治初知州王彝建

龍泉橋在南二里隅里

趨善橋在州西千佛庵下庵

蒲縣 津梁無

大寧縣

馬鬪關渡在縣西七十里唐置關洪武二年置巡檢司

夷吾橋在縣東一里知縣韓士奎建

荷葉橋在縣西荷葉溝口

麻束橋在縣東麻束溝口

龍泉橋在東山下

上石橋在西關水門外明知縣劉丕聲建

下石橋在西關通秦門外

山西通志 卷三十三
茨梅橋在縣西

永和縣

鐵羅關渡在西南七十里

興德關渡在西南六十五里黃河岸

義橋在南門外

山西通志卷第三十三

山西通志卷第三十四

山西巡撫都察院右副都御史臣覺羅石麟奉

旨修輯

水利 六

黃河

爾雅釋水河出崑崙虛色白所渠并千七百一川色黃百里
一小曲千里一曲一直 疏河源出於崑崙山下之基其初
纖微源高激湊故水色白也所受之水并計凡有一千七百
以其所受渠多沙壤溷淆故爲一川而水色黃也百里一小
曲千里一曲一直者此河自然之勢也

黃河在歸化城西二百七十里筆寫氣繇西北山嘴折而東
南流至脫脫城西折而東南三十里至喇嘛灣山嘴復折而

西南至寧武府偏關縣老牛灣入關河口其南則河套也

黃黑河在歸化城東百餘里西流至脫脫城西南伏流入黃

河河頭道河二道河三道河卽兔毛河水也西南流至岔

河口入黃河 七星湖在歸化城西南一百七十里西入

黃河清水河在歸化城西南三百里有奇西北流至岔

河口入黃河 寧邊河在平魯縣邊外西入黃河

黃河自平羅所東榆林衛西境出塞逕廢豐州西 按豐州

乃隋唐之豐州非遼金之豐州也遼金豐州在今右玉縣

北

折而東逕三受降城南

元和志三受降城景雲三年朔方總管張仁愿所置也顧

景范曰中城在廢夏州北八百里西城在廢豐州北八十

里東城在廢勝州東北二百里胡朏明曰東城本漢定襄

郡之盛樂縣後魏嘗都此唐置振武軍按韓重華屯田東

起振武轉而西極於中受降城出入河山之際六百餘里

昔人謂黃河在他處爲害在寧夏獨爲利以重華事觀之

則利不獨在寧夏矣 水經河水南入楨陵縣西北注河

水南入楨陵縣西北緣胡山歷沙南縣東北兩山二縣之

間而出予以太和中從高祖北巡親所經涉縣在山南北

去雲中城一百二十里縣南六十里有東西大山山西枕

河河水南流脉水尋經殊乖川去之次 緣胡山今在朔

平府平魯縣西北黃河西來折而南流處楨陵卽廢東勝

州也其故城在縣西北河東岸沙南故城在西岸榆林塞

外唐爲勝州地 此黃河入內境之始 水經河水從縣

東屈南逕沙陵縣西白渠水注之白渠水出塞外西南流入河其沙陵漢屬雲中郡今水入河處名沙陵湖白渠水一名黑河

折而南逕廢勝州東入塞爲平魯縣界平魯西岸乃河套也廢勝州城在榆林衛東北四百五十里本漢雲中五原二郡地隋置勝州治榆林縣元和志北近榆林卽漢之榆林塞雲中故城在縣東北四十里東受降城在縣東北八里榆林關在縣東三十里東北臨河自夏州朔方縣流入又經河濱縣東十五步濶一里不通船楫卽河濱關渡處名君子津平魯縣本漢雁門郡之武州縣隋唐以後爲朔州地元和志黃河在朔州鄯陽縣西三百里遼自唐河西勝州移置勝州於此曰東勝州其故城在平魯縣西北元和

志唐徙東受降城於綏遠烽南卽東勝州治也明洪武初改建左右二衛兵民皆耕牧河套中二十六年城東勝永樂初移就延綏其地遂墟

國朝屬理藩院榆林志河套之地南抵邊牆北濱黃河遠者八九百里六七百里近者亦一二百里唯黃甫川之南焦家坪及娘娘灘羊圈渡口爲最近云 水經又南逕赤城

東又南逕定襄桐過縣西 河水於二縣之間濟有君子黃之名今在平魯縣西卽所謂湖灘河也水經注昔漢桓帝十三年西幸榆中東行代地洛陽大賈齎金貨隨帝後行晝夜迷失道往投津長日子封送之渡河賈人卒死津長埋之其子尋求父喪發塚舉尸資費一無所損其子悉以金與之津長不受事聞於帝曰君子也卽名其津爲君子濟

濟在雲中城西南二百餘里河水又東南左合一水

水出契吳東山西逕故里南而北西流注於河

偏頭關河曲縣黃河上接蒙古界起西流下至保德州界止

袤一百五十里
黃河又南逕偏頭關河曲縣西岸北岸亦河套地至河曲縣
唐家渡北岸保德州天橋峽西北岸乃府谷縣也

黃河南流逕黃甫川東九里入府谷縣界又南逕縣東去
縣百步東南爲河曲縣黃河在縣西北舊府志自縣東北
故東勝州境轉而西南流八十里至縣西北平泉村復轉
西流九十里至天橋峽又南流入保德州境偏頭關在河
曲縣東北一百十里保德州黃河在州西北一里偏頭
關官河至關河口入河弔子溝馬圈嘴溝大泉溝沙廟溝

入官河 河曲縣大澗河鎮口河平泉入河石佛河沙泉

河至保德入河 保德州東溝水西溝水腰莊水蘆子溝

水石堂水土門溝水朱家川鴨頭川入河 水經又南樹

頽水注之水出東山西南流至沃陽故城西而南注於

河 沃陽漢雁門西部都尉治 當屬關河 又南大羅

水注之 水上承樹頽河南流西轉逕武縣故城南又西

南注於河 武縣在善無縣西百五十里 又左得瀧水

口 水出西河郡美稷縣西流合呂梁山洪水而注於河

其雖指按平魯衛西有呂梁山瀧水口當在今河曲縣西北

黃天橋峽 平魯西呂梁山水勢未爲極險今臨縣永寧保

德天橋峽雖距土軍太遠而水勢與水經注所指相近

保德州黃河上接河曲縣界西流折而南下至興縣界止

山西通志 卷三十一
一百三十里 興縣黃河上接保德州界南流下至臨縣界止袤一百七十里

黃河繇保德州西五十里韓家川復折而南迤南逕興縣西其西岸乃府谷縣神木縣葭州也

黃河在神木縣東十里葭州東一里 興縣在苛嵐州西

一百五十里黃河在縣西五十里元和志嵐州合河縣黃

河在縣西二里今興縣西北五十里有合河故城 興縣

嵐漪水至裴家川口入河蔚汾水至黑峪口入河浩旻泉

入河南川水交樓水通惠泉入蔚汾水

臨縣黃河上接興縣界南流下至永寧州界止袤二百一十里其西岸乃吳堡也

吳堡黃河去縣一里臨縣黃河在縣西八十里臨泉水卽

湫河也一名吃那水元地理志黃河正南流過保德州葭

州及興州境又南過臨州凡一千餘里與吃那河合臨水

古作陵水 湫河孝才河青涼河曲峪河杏林莊河第八

舖河凡六河入河郝家坡河小馬坊河喬子川河榆林河

甘泉河安業河大峪河小峪河鐘底河故縣河窰頭河太

平河萬安河麻峪河善卷河青堂河凡十六河入湫河

水經又南陵水注之 水出陵川北峪南逕其川西轉入

河 當屬臨水

永寧州黃河上接臨縣界南流下至寧鄉縣界止袤六十里

寧鄉縣黃河上接永寧州界南流下至石樓縣界止袤三

十五里其西岸乃綏德州也

綏德州黃河去州一百二十里永寧州寧鄉縣黃河胥在

山西通志 卷三十四
西元和志石州平夷縣黃河西去縣一百四十五里定胡縣黃河去縣西二百步舊唐志貞觀二年於定胡置孟門縣今孟門關在州西五十五里平夷縣故城卽今寧鄉縣治黃河在西一百五十里寧鄉在永寧南五十里 永寧州北河通考所謂離石水也至州西四十里後河底入河東河南河至交口村入北河 寧鄉縣清水河至永寧入河蕉山泉子山諸水入清水河 水經又南得離石水口注出離石北山南流逕離石縣故城西其水又南出西轉逕隰城縣故城南其水西流注於河 離石水卽赤洪水今名北河
石樓縣黃河上接寧鄉縣界南流下至永和縣界止袤一百里其西岸乃清澗縣也

清澗黃河去縣一百里石樓黃河在縣西九十里石樓沙河二南至譚莊東至隰州境皆西流入河水深五尺 屈產泉入沙河 水經又南過土軍縣西 注吐京郡治故城卽土軍縣之故城也縣有龍泉出城東南道左山下其水西北流至其城東南吐軍水出道左高山西南注之龍泉水又北屈逕其城東西北入於河 沙河卽土軍水屈產泉卽龍泉
永和縣黃河上接石樓縣界南流下至大寧縣界止袤九十里其西岸乃延川縣也

延川黃河去縣四十五里永和縣黃河在縣西六十里仙芝河至千枝溝入河甘露河索陀川榆林川五花泉入仙芝河水經又南得大蛇水 發源谿首西流入河

河水又南左合信支水發源東露西流入於河 河水又南左會石羊水巡谿東入道源窮谷西流注於河

今永和西南五

十里石羊城魏太武築置石羊軍

大寧縣黃河上接永和縣界南流下至吉州界止袤四十五里其西岸乃延長縣也

延長黃河去縣三十五里大寧縣黃河在縣西六十八里孟門山在縣西南八十里與吉州分山 隰州紫川蒲縣蒲川會為昕川過白馬掃入河吉州麻束溝義亭川大寧小道溝入昕川義亭川一名羊求川會蔡家川入昕川水經又南過蒲川石樓山南逕蒲城東 注武谿水南出得黃蘆水 東出歷蒲子城南東北入谷極谿便水之源也又南合紫川水出東北紫川谷西南合江水江水出江

谷西北入紫水紫水又西北入蒲水蒲水又西南入於河 水經又南過河東北屈縣西 河水南逕北屈縣故城西十里有風山風山西四十里河南孟門山又有燕完水注之異源合舍西流注河河水又南得鯉魚 歷澗東入窮溪首便其源也 又南羊求水入焉 東出羊求川西逕北屈縣故城南城則夷吾所奔邑也其水西流注於河吉州黃河上接大寧縣界南流下至鄉寧縣界止袤八十五里 鄉寧縣黃河上接吉州界南流下至河津縣界止袤六十五里其西岸乃宜川縣也

宜川黃河去縣八十里吉州黃河在西六十里壺口山在州西南七十里鄉寧黃河在西七十里按元和志丹州汾川縣西南至州七十里黃河在縣北七里河岸頓狹狀似

山西通志 卷三十四 水利
槽形鄉人呼爲石槽蓋禹治水鑿石導河之處石槽長千步濶三十步懸水奔流鼉鼉魚鼈所不能游今汾川故城在宜川縣東七十里孟門山在縣東南二十里黃河西岸山勢綿延與吉州孟門山參差相接卽文城故縣西南三十里十六里河中之石槽山也 吉州清水河寬靜河南澗入吉河山峽諸小水河蒙泉入清水河 鄉寧鄂水至師家灘入河羅峪河暖泉龍王池水入鄂水 水經又南爲採桑津 又南至嶧谷旁 東北窮澗水源所導也西南流注於河

河津縣黃河上接鄉寧縣界南流下至滎河縣界止袤七十六里其西岸乃韓城也
韓城黃河去縣十五里龍門山在縣北五十里河津黃河

在縣西元和志去縣二十五里卽龍門口三秦記河津一名龍門水陸不通魚鼈之屬莫能上江海大魚集龍門下數千不得上上則爲龍故曰曝腮龍門尚書蔡氏傳李復云同州韓城北有安國嶺東西四十餘里東臨大河瀕河有禹廟在山斷河出處禹鑿龍門起於唐張仁愿所築東受降城之東自北而南至此山盡兩岸石壁峭立大河盤束於山峽間千數百里至此山開岸濶豁然奔放怒氣噴風聲如萬雷予按舊說禹鑿龍門而不詳其所以鑿誦說相傳但謂因舊修闢去其齟齬以決水勢而已今詳此說則謂受降以東至於龍門皆是禹新開鑿若果如此則禹未鑿時河之故道不知却在何處而李氏之學極博不知此說又何所考也今按此說是禹繇今平魯縣西唐東受

山西通志 卷三十四
降城鑿山穿地至韓城之安國嶺麻線嶺矣顏師古漢書
註積石山在河關西羌中龍門山在夏陽北言治河施功
自積石起鑿山穿地以通其流至龍門山也孔安國書傳
言禹治河或鑿山或穿地以通流孔穎達正義又謂自龍
門以下亦然今按此說是禹又繇漢龍支縣小積石山今
河州積石關西南千二百里大積石山鑿山穿地至河津
韓城北之龍門又繇龍門至風陵砥柱等山阜矣此古今
水利之最巨者志於河津以備考 黃河西北出鄉寧境
距縣二十五里西南入滎河境距縣二十里今河益東徙
縣西距河十里西南距河二十餘里 汾河古至滎河后
土祠下入河明隆慶四年東徙至河津西南二十里胡盧
灘入河今灘亦沒於河矣山西太原汾州平陽絳州諸水

並河津馬峪爪峪諸泉渠多入汾河 水經又南出龍門
口汾水從東來注之 注昔者大禹導河積石䟽決梁山
謂斯處也卽經所謂龍門矣 水經又南逕梁山原東
注自原山東南出至河晉之望也在馮翊夏陽縣之西臨
於河上

滎河縣黃河上接河津縣界南流下至臨晉縣界止袤七十
里其西岸乃郃陽也

郃陽黃河去縣四十里韓城縣志黃河自龍門而南距郃
陽不百里河壩多客土遇潦輒潰按韓城郃陽之土性猶
河津滎河之土性也滎河黃河舊在縣西五里明時漸徙
而東正德二年遂至城下今去縣僅七十步 澆水在南
趙村西入河 水經又南過汾陰縣西魏土地記河東郡

山西通志 卷三十四
北八十里。有汾陰城北去汾水三里。城西北隅曰臚邱。上有后土祠。水經河水又逕郃陽城東。注河水又南。漢水入焉。水出汾陰縣南四十里。西去河三里。平地開源。潰泉上湧。大幾如輪。深則不測。俗呼之爲漢魁。土人壅其流。以爲陂。水種稻。東西二百步。南北一百餘步。與郃陽漢水夾里。河中渚上。又有一漢水。皆相潛通。其水西南流。歷朔坂。西榮。西流注於河。

臨晉縣黃河上接榮河。縣界南流。下至永濟縣界。止袤四十里。其西岸亦郃陽也。

臨晉黃河在縣西三十里。縣志吳王寨者。吳王二姓居此。今爲吳王渡。與郃陽渡相對。夾馬渡口在吳王寨南。水經河水又南。逕陶城西。元和志陶城在臨晉縣北四十

里。水經注陶城在蒲坂城北。城卽舜所都也。去歷山不遠。又曰南對蒲津關。

永濟縣黃河上接臨晉縣界。南流至風陵渡。折而東。下至芮城縣界。止袤一百七十五里。其西岸則朝邑縣華陰縣也。又折而東。其南則潼關縣閿鄉縣也。

朝邑黃河去縣二十八里。有臨晉關。華陰黃河去縣九十里。永濟黃河舊在府西蒲津門外。明隆慶四年水漲。溢入城西門。及南北古城門。是年河西徙。萬曆八年復決。而東齧城圍。斃石岸。以障之後。漸徙而西。去城十餘里。

國朝康熙三十四年。復東徙。去城五里。有蒲津關。與臨晉關夾河相對。水經又南。過蒲坂縣西。皇甫謐曰蒲坂舜所都也。或言蒲坂。或言平陽。及漢者也。絳縣橫嶺山。涑

山西通志 卷三十四
水注五姓湖又西流經孟盟橋入於河絳縣聞喜夏縣安邑猗氏虞鄉臨晉水多入涑水五姓湖古名張揚池水經注陂分爲二東張城南面兩陂左右澤渚東陂世謂之晉興澤東西二十五里南北八里南對鹽道山西陂卽張澤也西北去蒲坂一十五里東西二十里南北四五里東陂今五姓湖西陂今鴨子池也 媯汭泉太平寰宇記出河東縣南三十里南流媯北流汭東西相距二里合流入黃河雷澤西南首陽山下南流入河 玉洞泉寒谷泉胥入黃河 涑川西入於河 神龍潭谷泉谷口泉蒼龍谷口泉胥入黃河 永樂澗水南入於河今爲永樂渡 蒲州泉澤溝多入前項水 蒲津渡蒲津橋後魏迄唐初皆橫絙百丈連艦千艘辨修笮以維之繫圍木以距之少敗輒

更費不訾開元十二年於黃河兩岸闢東西門各造鐵牛四鐵人四其牛並鐵柱連腹入地丈餘前後鐵柱三十有六鐵山四夾岸以維浮梁今西岸缺其一 鍾羽正王基行狀庚辰陞參政治蒲州並大河一日河忽南溢且抵城聲如霆震城中皆驚號公於陷處見石堤橫亘蓋遠古以護城者遂建議接而增之自城抵首陽之麓蜿蜒如游龍河自是不爲患 水經注南有歷山有舜井媯汭二水出焉水南曰媯水北曰汭水迺逕歷山下孔安國曰居媯水之內馬季良曰水所出曰汭然則汭似非水而今見有二水異源同歸渾流西注入於河 水經河水又南逕雷首山西 注山臨大河北去蒲坂三十里 水經又南涑水注之 水注水出河北縣雷首山縣北與蒲坂分山有夷

齊廟其水西南流亦曰雷水又西南流注於河春秋左傳謂之涑川者也俗謂之陽安澗水 水經又南至華陰潼關渭水從西來注之 汲冢竹書紀年曰晉公子重耳涉自河曲杜預註河曲在河東蒲坂縣南此卽黃河南流折而東流之地也 水經河水歷潼關南與渭水會 注河在關內南流潼激關山因謂之潼關 元和志關西一里有潼水因以名關潼關衛在陝西都司東明析華陰地置西至華陰縣界一里黃河在衛北一里潼關故城在衛東南四里左傳所謂桃林之塞元和志自靈寶縣以西至潼關皆是 水經注關之直北隔河有層阜巍然獨秀孤峙河陽世謂之風陵戴延之所謂風埽者也 水經又東過河北縣南注縣與湖縣 河蓼山出襄山蓼谷西南流於

河 水經河水又東永樂澗水注之注水出於薄山南流逕河北縣故城西城南西二面並去大河二十餘里北去首山一十許里城內有龍泉南流出城又南斷而不流永樂溪水又南入於河按中經卽渠豬之水也山海經曰甘桑之山共水出焉而西流注於河東則渠豬之山渠豬之水出焉而南流注於河

芮城縣黃河上接永濟縣界東下至平陸縣止袤七十里其南岸則閩鄉靈寶縣也

陌底渡上六十里至永樂渡下六十里至茅津渡 閩鄉縣黃河南去縣七里閩鄉古桃林塞地所謂散牛桃林者也三秦記曰桃林塞在長安東四百里若有軍馬好行則牧華山休息林下惡行則決河漫延人馬不得過矣此言

黃河南北岸之易被河患也靈寶縣黃河南去縣十里靈寶縣亦古桃林塞地芮城黃河在縣南二十里縣北有河北故城唐貞觀十一年河溢壞陝州河北縣卽此城也葡萄澗滙五泉南流入河 三汭澗合二溝南入河 朱呂溝水古名恭水卽山海經所謂甘桑之山恭水出焉而西流注於河者也 儀川溝水古名涇水南入河卽涇津渡今名陌底渡者也 水經河水自河北城南逕芮城注河北縣有涇水涇津其水南入於河河水故有涇津之名

平陸縣黃河上接芮城縣界東流下至垣曲縣止袤二百三十里其南岸則陝州也

陝州黃河南去州二里獻帝春秋獻帝東歸至陝議者欲

浮河東下太尉楊彪曰從此以東有三十六灘非萬乘所當御也乃止元和志曹陽墟俗名七里澗在陝州西南七里黃河自靈寶界流入此險與平陸共之者也平陸黃河在縣南二里 洪陽渡縣西四十里大陽渡縣南二里茅津渡縣東二十里白浪渡縣東一百八十里 五十餘年來狐家窩至盤南舖水勢北騰地陷裂且十里 南侯澗至葛趙村南二里入於河 三汭澗東西二溝合大澗至三汭口東南入於河 鐵牛磧在黃河中 盤南澗繇石槽溝南至盤南東入於河 沙澗至沙澗口入河 聖人澗三泉合流南入於河 開元新河在三門北 砥柱山在黃河中西去陝州四十里西北去黃河五十里元和志砥柱山俗名三門山在硤石縣東北五十里黃河中 王

山西通志 卷三十四
三
翰遊三門記三門集津在平陸縣治東三十六里道通東
西延至黃堆循河東下再行十里至其處河南山脊峻下
其尾屬於北山鑿山作三門以通河流南爲鬼門中爲神
門次北爲人門又次北爲開元新河又以中爲夜叉門北
爲金門新開河爲公主河未詳其說也鬼門逼窄水勢極
峻急人門水稍平緩直東可五十步中流有小山乃砥柱
也東又十步其水滌迴謂之海眼深不可測神門最修廣
水安妥蓋唐宗漕運之道山巖上有閣道且牽泐石深寸
許正南下五步有石聳起側視若香鑪然東又三十步一
峰可高數丈不甚奇新開河南北廣約計二丈其岸石如
甃又直如繩取者行百餘步與神門水合 都穆記砥柱
在陝州東五十里黃河之中循河至三門集津三門者中

曰神門南曰鬼門北曰人門水行其間聲激如雷而鬼門
尤爲險惡舟筏一入鮮有得脫三門之廣約二十丈其東
百五十步卽砥柱崇約三丈周數丈蔡氏書傳以三門爲
砥柱州志亦謂砥柱卽三門山皆未嘗親履其地故謬誤
若此 唐趙冬曦三門賦序砥柱山之六峰者皆生河之
中流蓋夏后之所開鑿其最北有兩柱相對距岸而立卽
所謂三門也次於其南有孤峰揭其峰頂平濶夏后之廟
在西有孤石數枚圓如削成復次其南有三峰東曰金門
中曰三堆西曰天柱湍水從黃老神前東流湍激蹙於蝦
石折流而南激於三門苞於廟山乃分爲西流淙於三峰
之下抵於曲隈會流東注加以兩崖夾水壁立千仞盤紆
激射天下罕比 水經又東過陝縣北又西逕陝縣故城

南水經注東則咸陽澗水注之水出北虞山南至陝津注河河南卽陝城也 西北帶河水湧起方數十丈有物居水中父老云銅翁仲所投處又云石虎載經於此沈沒二物並存水所以湧所未詳也或云翁仲頭髻常出水之漲減恒與水齊晉軍當至髻不復出今唯見水異耳嗟嗟有聲予以爲鴻河巨瀆故應不爲細梗躓湍長津碩浪無宜以微物屯流水之所以濤波者蓋史記所云魏文侯二十六年號山崩壅河所致耳 水經又東過大陽縣南 注交澗水出吳山東南流入河河水又東路澗水亦出大陽城西西南流注水入於河 水經河水又東逕大陽縣故城應劭地理風俗記城南大河之陽也 水經河水又東沙澗水注之 注橋水東北山溪中有小水西南流沙澗

亂流逕大陽城東河北郡治也澗水南流逕注於河河水又東左右合積石土柱二溪並北發大陽之山南流入於河 水經又東過砥柱間 注砥柱山名也昔禹治洪水山陵當水者鑿之故破山以通河河水分流包山而過山見水中若柱然故曰砥柱也三穿旣決水流䟽分指狀表目亦謂之三門矣山在號城東北大陽城東也 河水翼岸夾山巍峰岐舉羣山疊秀重嶺干霄鄭元按地說河水東流貫砥柱觸闕流今世所謂砥柱者蓋乃闕流也砥柱當在西河未詳也予按鄭元所說非自西河當無山以礙之自砥柱以下五戶以上其間一百二十里河水竦石傑出勢連襄陸蓋亦禹鑿以通河礙此闕流也其山雖闢尚梗川流激石雲洄環波怒溢合有一十九灘水流迅急勢

同三峽破壞舟船自古所患漢鴻嘉四年楊焉言從河上
下患砥柱隘可鑄廣之上乃令焉鑄之裁沒水中不能復
去而令水益湍怒害甚平日魏景初二年二月帝遣都督
沙兵部監運諫議大夫寇茲帥五千人歲常修治平河咀
晉泰始三年正月武帝遣監運大中大夫趙國都匠中郎
將河東樂世帥衆五千餘人修治河灘事見五戶祠銘雖
世代加功水流湍洿濤波尚屯及其商舟是次鮮不踟蹰
難濟故有衆峽諸灘之言五戶灘名也

垣曲縣黃河上接平陸縣起東流下至濟源縣止袤一百九
十里其南岸則澠池也

澠池縣黃河與垣曲分水垣曲黃河在縣南五里西南繇
南門至濟民渡五里北岸乃垣曲之東灘村南岸乃澠池

之洋胡村也又至利民渡十里北岸乃垣曲之寨內村南
岸乃澠池之南村關也 縣志黃河九曲此爲一曲亳清

河繇開店河順流而東經郭南入黃河有石堤護城 圍
子河南流入黃河 五虎澗入河 垣曲河澗溝多入河

山水經又東至平陰縣北又東鄧清水從西北來注之

注清水出清廉山之西嶺東南流出峽峽左有城蓋古關
防也清水歷其南東流逕臯落城北與倚亳川水合水出
北山礦谷東南流注於清清水又東逕清廉城南又東南
流又會南溪溪水出南山而東注清水又東合棗澗水水
出左人嶺下南流俗謂之扶蘇水又南歷奸苗北馬頭山
赤泉水源西南逕垣縣故城北其水西南入清水色白濁
初會清流流注乃有元素之異也清水又東南逕陽壺城

東又東南流注於河 清廉倚毫二水合所謂毫清河也
水經河水又東與教水合 注出垣縣北教山南逕輔
山高三十餘里上有泉不測其深山海經曰孟門東南有
平山水出於其上潛於其下者也水南流歷鼓鐘上峽懸
流五丈飛流注壑夾岸深高水廣一十許步南流歷鼓鐘
川分爲二澗一澗西北出一百六十餘里今聞喜縣東北
谷口猶有乾溝里故溝存焉今不蓄水一水歷冶官西城
西阜下有泉西流注澗與教水合伏入石下南至下峽
其水重源雙發南至西馬頭山頭東載坡下又伏流南十
餘里復出又謂之伏流水南入於河山海經曰教山教水
出焉又南流注於河是水冬乾夏流實爲乾河也今世人
猶謂之乾澗矣 水經河水又東合庸庸之水 注水出

河東垣縣宜蘇山俗謂之長泉水其水北流分爲二一水
北入河一水又東北流注於河 唐大曆時東都河南江
淮轉運租庸鹽鐵常平使劉晏按行浮淮泗達於汴入於
河右循砥柱硤石觀三門遺跡至河陰鞏洛見宇文愷梁
公堰廝河爲通濟渠視李傑新堤盡得其病利繇是能歲
致四十萬斛於關中

汾河

寧武縣發源西六十里管涔山下聖母廟 泉源繇廟中流出廣四五尺尋廣一

丈五 尺與林溪山龍眼泉合流於支鍋石前 汾源旁石西南流鱗多水脉

經三馬營一里二馬營十五里頭馬營二十五里寧化北屯

三十五里合寧武西南天池海水流寢鉅又經壩門口合蘆

芽山水 晉汾河之源也又經南屯村野坊廟川湖屯又經溝口村十

家莊又南流十里經定河村少昊孫昌寧公所定也又經潘家灣共袤

一百五里入靜樂縣界永安鎮

靜樂王瀾灘河至溝河村入河 榆會堡磁窰灣河至十

家莊入河 水經注泉源道於南麓之下蓋稚水濛流耳

又西南夾岸連山聯峰接勢又南與東西溫谿合

靜樂縣城西汾河繇寧武界永安鎮西流經張家灣段家寨

賀豐村鬧柳溝胥五里萬虎峪溝口宋家村西河溝風溝村

一十六里又經縣城西崕村店上村胥五里又南流經王端

莊楊家崕八里胡家莊西大樹蘇房村胥五里新莊村十里

漫响灣西陸度河岔村下進牛一十六里石峽溝十里范家

村婁煩鎮西街村七里蒲峪村官莊村石家莊杜招曲羅家

曲二十七里灰崕村雁門村胥十里又經河東鎮至武村溝

口七里又繇武村溝口東流經木瓜山武家莊杜家莊胥五

里魏家坪十里城莊貫峪村閆家山馬家溝胥五里又經縣

南古賢村趙王城砂會村胡家溝張貴村一十五里神峪溝

榆灣村東大樹豐潤村李家會灣子村高家舍東六度窰上

峰嶺底三十五里常家坡二十里响兒頭廟灣村閆四堦楊

卷莊史家寨下石家莊强家莊礫馬村二十六里龍尾頭三

里入交城縣界

汾河繇永安鎮向西紆北復繞而西經縣城西南行百里

折達河東東流數十里斜注東南入交城 東北一百二

十里碾子河西南至縣南半里入河 西五十里羊兒河

交東至縣西南一里入河 南十五里社干河至王端莊入

河嵐縣嵐河東北至縣西南六十里入河 南一百四

山西通志 卷三十四
十里監河至婁煩鎮入河

交城縣汾河繇靜樂縣龍尾頭東南流入縣境距縣城一百五十里河北經蘆峪口郝家溝梭谷村會主村羽樹曲灘上村西曲村火山村東入陽曲縣河口村界河南經鎮石底成家曲陰家溝兩泉村古交村鐵磨溝東入陽曲縣張葉溝界隸縣境三十一里有差又經陽曲太原清源縣鹽村界復西流入縣東南境二十八里河北經義望村陽渠村杜家莊東汾陽河南經鄭村連家寨郭家寨賈家寨隸縣境又二十六里入文水縣界石堠村

北一百三十里孔河至馬蘭村入河 縣西北步渾水至縣東入河 縣東北塔莎水至縣東南入河

陽曲縣西二里汾河繇交城縣界河口村東流經河下村五

里六家河村周家山胥八里掃石村五里又繇掃石峪山峽經五科村九里又北流經小塔寺頭村下懷村一十七里又東流經北崖頭村石槽村大卯村五堤村二十九里又東至烈石口八里東南至上蘭村二里河西繇烈石口出山南流經土堂村留村呼延村張村楊家村柴村芮城村營村攝樂村三給村小大東流村彭村前後北屯村共袤四十五里入太原縣界王村河東繇上蘭村出山南流經西村翟村向陽鎮上碾下溫村北南固碾下蘭村趙莊村古城村沙河村北拐角南關老軍營共袤五十一里入太原縣界楊家堡

汾州南汾水之險莫如雀鼠谷太原西北汾水之險莫如石峽掃谷繇掃谷乾燭谷出烈石口流始平 汾河自烈石湧出兩山夾水勢如急箭地高水難升土鬆水易決

山西通志 卷三十四
西北一百二十里掃谷水南出天門谷入河 西北四十里烈石泉南流三里入河 北三十里洛陰水至陽曲灣入河 東北五十里澗河水西南入汾

太原縣東十里汾河繇陽曲縣老軍營西流入縣境河西經大小王村南屯吳家堡又東南流經西寨堡姑姑寨舊寨南北瓦窰武家寨南張村河東經楊家堡大馬村又東南流經嘉節堡李家莊史家莊小店鎮武家莊孫家寨堡西蒲村草寨村合洞渦水又南至吳家堡共袤七十里入清源縣界

西南十里晉水東至南十五里南張村入河 東十五里澗河西至小店鎮入河 西七里沙河東入河 東南三十里洞渦水西至北格入河

清源縣東五里汾河繇太原縣吳家堡南流入縣境河西經

魯家園米陽孔村河東經青堆閻社又西南流共袤三十五里入交城界鄭段村

北五里清源水東南入河 西五里白石水南入河 東湖水東入河 榆次涂水繇太原縣西南至縣境入河

文水縣東五十里汾河繇交城縣界入縣東北石侯村南流河西經武良村東城村南賢村下曲村寄穀莊永樂村河東經韓武西都齊南都迤南共袤五十五里南入汾陽縣尹家社界

清源白石河西至縣武安都入河 祁縣沙河河西至縣胡家堡南入河 交城文峪河東南至縣石永都入河 汾河舊繇北安都折而西歷河南都入汾陽境明萬曆三十九年東遷繇縣韓武西都入境經東南齊南都入平遙境

山西通志 卷三十四
國朝雍正七年六月自青高村至尹家社開引渠二道東城
村河自闢數十丈袤二十五里

汾陽縣東二十五里汾河繇文水縣永樂村界入縣境東北
尹家社東北流又南流河西經狄家社五里閭家社裴家會
郭家莊一十九里東社村李家莊一十七里九支社十里演
武鎮二十里辛愛村師家莊董家莊一十三里河東繇平遙
縣界羌城村入縣境韓家橋經西河堡五里大王村小堡村
八里入孝義縣界

汾陽圖經汾河繇大陵城西南逕文谷斜迤東遶二十五
里 西二十五里馬跑泉漲流東入河 西三十里向陽
水東南入河 北十里禹導河東入河 孝義義河南至
鹽鍋頭村入河

平遙縣西北四十里汾河繇文水縣石家莊界入河東縣境
郝莊村西流經趙坦村五里折西南流經安固村三里又折
東南流經香樂村二里又折西南流經羌城村八里共三曲
袤一十八里入汾陽縣界韓家橋

東北三十里砂河西入河 東南三十里中都河西入河
孝義縣東十五里汾河繇汾陽縣北小堡村界入縣境南小
堡村河東經大堡村李家莊張家莊胥三里橋頭村霍家堡
胥五里河西經新莊村盧家莊十里五路莊鄭家營九里又
繇鄭家營河灣折西南流經南窰村董桐村八里又二里入
介休縣界南嶺北溝村

縣西孝河東至五樓莊入河

介休縣北七里汾河繇孝義縣胡家嘴界入縣境東北南嶺

山西通志 卷三十四
北溝村西南流河南經大宋曲村小宋曲村羅王莊河北經安大里至橋頭村過虹霽橋又至義棠舖共袤四十里三百一十四步入靈石縣界崔家溝口

東北二十八里小橋泊西入河 孝義勝水一支東入河
東南三十里洪山水東北入河

靈石縣城西汾河繇介休縣義棠鎮界入縣境北五十五里桑平峪南流河東經冷泉鎮兩渡鎮小水鎮至縣城北環繞縣西折而東抵翠峰山下復折而西南經南關鎮河東地河西經曹村文殊原東街北里夏門鎮折而西南經魯班纏志家莊石曲渡五里灘至縣南五十里王莊村入霍州境

靈石南北百餘里汾水中盡石磯故介休以北運道難通
冷泉關東一里冷泉東入河 東北五十里小水河西

至縣北水頭鎮入河 孝義石門峪河至夏門鎮入河
隰州印馬峪河至秦王嶺南入河 沁源仁義河西至南關鎮入河

霍州城西汾河繇靈石縣王莊村界入州境藍腰溝迤南曲流河東經什字村五里退沙村十里至州西門外十里又經南門外小水頭十里郭莊村十里辛置鎮六里河西經許村對什字村又經寺莊村對小水頭又南經陳村四里又南經汾西縣楊瓦莊對郭莊村繇辛置鎮南二里入趙城縣界

汾西縣轟轟澗東至城西南入河 縣南彘水西至城西南入河 霍州城西北有鎮河鐵牛城西南隅又有鐵牛汾西縣東北三十里東五十里汾河繇靈石縣五里灘入南關鎮鎮東隸靈石鎮西隸汾西至王莊村十五里入霍州石

子村界又十五里出霍州陳村界入縣東五十里楊家莊界南流河東乃霍州地也又十五里至師家莊界入趙城縣石明村河東乃趙城地也

趙城縣城西汾河繇霍州辛置鎮界入縣境西北二十五里石明村南流河西經石明里張端村安定里南步里馬木村河東經仇池村跑地橋南慮南里北大澗口又經縣城西廣勝里又南至玉村界共袤四十五里入洪洞縣苗村

汾西轟轟澗東南至石明村霍州界入河 汾西舞陽澗至張端村入河 北二十里北小澗至跑地橋入河 北大澗西至城北入河 南二十里南大澗至廣勝里入河 洪洞縣城西二里汾河繇趙城縣玉村界入縣境北一十一里河東苗村迤南環流經官莊村惠遠橋賈村又南經縣城

西門外又經院頭村火星營左壁村楊曲鎮羊獬村至天井村界共袤四十里入臨汾縣高舖河西繇趙城馬木村界入縣境北一十五里經辛莊李家莊南段村白石村至杜戍村界共袤三十里入臨汾縣界洪堡屯

明萬曆時縣志舊河面不甚廣今七倍於古一望無涯漸徙而東去城伊邇 趙城廣勝寺霍泉西南至惠遠橋入河 岳陽澗河西至火星營入河 羊獬村引岳陽水西至羊獬橋入河

臨汾縣城西汾河繇洪洞縣天井村入縣北二十里西南流河東經高堡舖西盧曲村東西高河村胥半里韓村東盧曲村溝上村賈村至高河店胥可四里弱又南經縣北關至南關西又南經郭村堯廟店胥五里又南經喬村伊村杜村神

劉村至下靳村界胥可四里弱共袤四十五里南入襄陵縣
陳村河西繇洪堡村經吳村鎮三里孫曲村淺淇村盧道村
馬務村澗頭村澗北村馬站村沙喬村胥一里強五默村桑
灣村杜家莊城曲村胥三里

林浮山澇水西至城北高河橋又西入河 分水嶺水東南

至田村入河 流膏洞引澇水西過北關又西入河 城

西嘉泉西入河

襄陵縣東一里汾河繇臨汾縣北陳村入縣境東北二里迤
南環流河西經縣城二里又西南經郭村李村屯劉莊北陳
村東徐村中陳村北靳村太陳村湖李村胥可二里強三里
弱河東經鄧村漁池村溫泉村燕村趙曲鎮鄧曲村荆村柴
村道里胥如河西共袤四十五里又南入太平縣界

臨汾縣南高石河東經劉元海城北入河 晉水即平水

東南過晉橋入河 城北梅月泉東入河 李郭渠東南

入城又東入河 中渠東南經城南又東入河 橫渠東

南經東柴舖北又東入河 東南三十里三交水西至荆

村入河

太平縣城東汾河繇襄陵縣柴村界入縣東北四十里史村
迤南流河西經陳郭村柴寺村東尉村上魯村西牛村萬王
村河東經沙女村閻店村臨汾村東北村西吉村共袤四十
里東南入曲沃縣界

繇史村南至柴寺村東四五里乃蒙坑之尾也河胥石底
舟不敢行 東北二十五里靈景泉東入河 鄉寧豁都

峪渠東水東入河 西北十五里尉嵒峪渠餘水東入河

按秦穆公汎舟之役自雍及絳相繼是時晉惠公都今
太平晉城秦人舟止於絳蓋避柴寺村史村之險也

曲沃縣城西北汾河繇太平縣西吉村界入河東縣境南流
經西北三十里趙莊村南北封王村至高縣又西南流經高

陽村又南流經汾陰村北莊村南莊村小南莊村又西南流
繞大李村北又折西流經小李西李觀村褚村平望村至臺

神莊乃臺駘神廟也又西經東西高村共袤四十里入絳州界

繇趙莊二十五里至小李渡又七里至堵村渡又一里至
北平望渡又五里至臺神渡 翼城合水西至高縣鎮入

河

絳州南關外汾河繇曲沃縣西高村界入州境西南流河北
經龍香村木贊村至城東又西流經南關三村北中南里南

蘇村永豐村古交村周村河南經符村橫橋尉村蘭村樊村
萬安村陽王村蘇陽村辛安村劉谷村共袤七十五里入稷
山縣界

翼城澮水西至州西南橫橋莊入河水經西至王橋注於
汾橫橋即王橋也 鼓堆清濁二泉水經注古水又西南入於汾

修水水經注出縣南西南流入汾

稷山縣南三里汾河繇絳州周村界入縣境王村向西環流
河北經楊趙管村羊牧頭又經南關吳城河南經武城費村
苑曲荆平李村玉壁共袤七十二里半至西薛村入河津縣

境

河津縣南八里汾河繇稷山縣西薛村界入縣境東二十五
里百底舖西流河北經黃村郭樊永綏又經連伯遠亭至西

山西通志 卷三十四
二十里胡盧灘堡河南經牛村原村蒼底又西經張家崖下
共袤五十五里西入黃河

元王思誠總圖汾水渡北張渡縣東二十里吳村渡縣東
十里修福渡縣南八里連伯渡縣西南十里黃村渡縣東
而南二十里明時胡盧灘西有雙營杜家莊千戶營及河東
貝徙縣西距河裁十里西南距河裁二十里而胡盧灘并沒
於水矣

汾河共袤一千三百四十里

濁漳河

長子縣發源縣西五十里鹿谷山東流繇房頭村起經刁黃
村石哲鎮南李村至城南五里又東北流經交李村漳河神
村共袤五十里以隨地曲折計之共袤八十里至李莫村入

長治縣高河鎮界

堯水至故城南入河

傘蓋水北入河

屯留藍水東至

嵐水村入河

長治縣縣西南縣西北濁漳河繇長子縣李莫村入縣境西
南高河鎮廻繞三十里至縣治西北張沂村界北流入屯留
縣下韓村境 縣志濁漳發源長子東流經襄垣縣治南入
長治界折而北經屯留潞城界入襄垣至縣治東北隅又折
而東入黎城界掠潞城之北東入平順界

長子梁水東北至縣界入河

長子雍水東至縣界入河

東南八十里淘水西至長子界入河

南二十五里黎

水西入河

屯留縣長治冊漳河北流入屯留下韓村境潞城冊從屯留

入縣西南潞城志經屯留史河村至交漳村入縣境
 潞城縣縣西南縣北漳河繇屯留縣界入縣西南境起雲臺
 經安昌折東至安居又折北至縣西北曹家溝入襄垣縣界
 共袤四十里復繇襄垣東流至縣境北馬鞍山界東南流經
 石梁至潞河鎮東流入平順縣境共袤三十五里
 交漳水在西南三十里濁漳水與屯留絳水交流故名交
 漳 東四十里潞水至西流里入河

襄垣縣縣南濁漳河繇潞城曹家溝北流入縣南二十里鹿
 臺山下又十里經甘村莊環流縣城東北五十里至段堡村
 入黎城縣界楊家莊 屯留冊自襄垣入縣石梁境長七十
 里

西漳水至甘村莊滙入河 西四十里石泉水入河 西

北十五里甘泉水至北關橋入河 涅水史水入臨水臨
 水至段堡村入河

黎城縣縣南濁漳河繇襄垣縣西南東流入縣境又東南流
 至王曲鎮迤東共袤一百一十八里東入平順縣界 潞城
 圖經繇縣西北界流入黎城縣境東流百里又東南流入縣
 東北境

城北田溪注東河入漳

平順縣縣北繇黎城縣界至曲村入縣境北經新安石灰航
 車諸里又東經漳義隘口石城竇口諸里入河南林縣界滙
 清漳又東入衛河

北四十里溫泉入河 水經注蒼溪水北逕礪陽城東而
 北流注於漳水

清漳河

樂平縣發源縣西五十里少山下大鼉谷北流折西南入和

順縣界水源尚微故縣册自和順縣起

和順縣縣西北清漳河一源在縣西一百二十里八賦

嶺下東西流至遼州西界長城鎮六十里土人名西河一

源在縣西北四十里石猴嶺下東南流至縣四十里經縣東

南流至遼州界駱駝村六十里土人名東河

水經注梁榆水入清漳

遼州州南西清漳河繇和順界長城鎮東南流至州四十里

經州城南一里又東南流至交漳村六十里合東清漳河

東清漳河繇和順界駱駝村南流至交漳村五十里合西清

漳河二河合流繇交漳村南流至州東南雲頭底村五十

里入黎城界

水經注轅水至粟城注清漳

和順縣縣東北清漳河繇遼州界入縣壺口關北經東北三

十里吾兒峪入河南涉縣界清漳入林縣境濁漳入林縣

西北境胥至林縣合流又東南流入衛河

桑乾河

馬邑縣發源北十里洪濤山下黃道泉西北十里金龍池東

南流經縣城南共袤四十里又東入山陰境

寧武分水嶺灰河至縣東南二里入河歸化城黑河至

縣北二十里喇河口入河

山陰縣城北桑乾河繇馬邑縣東流入縣西北河陽堡南經

安銀子岱岳至城北又南經麻家疇曹娘子村共袤五十里

至應州界涼亭村

白泥河南入河

應州西二十里繇山陰縣界涼亭村東流入州境賈家寨經劉霍莊鄭家莊共袤二十里又東北流入懷仁至大同縣界渾源州渾河至西安堡入河

大同縣縣南古定橋渡六十里繇應州東北流入縣境新橋村經縣南古定驛大新莊馬營兒至南徐村共袤一百三十里入陽高縣南川界

如渾水南至古家坡入河

陽高縣縣南川繇大同縣界東流入縣南川至馬營堡入天鎮縣界

天鎮縣縣南川繇陽高縣東流入縣馬營堡境經大石堡樓

子屯東太保村西太保村小鹽廠至直隸西寧縣白家泉界又東入於海

沁河

沁源縣發源縣東北浴鳳村一源出西北綿山又一源出東北馬圈溝西南流經縣城一百一十里又南流四十里至岳陽縣義亭村

東八里清水河西流入河 東十五里馬跑泉至有義村入河 東三十里青龍河至圍寨村入河 北十里狼尾河至河西村入河 西三十里西川河至龍頭村入河

岳陽縣縣東九十里沁河繇沁源縣界義亭村西南流至雙頭村南流經府城平房村大渠村段村蘭村桃園里村寺圪塔村冀氏村孔罈村衛寨村狼寨村灣裏村召縣村共袤一

百八十里至縣東南峰堽村入沁水縣雨涼灘

北八十里蘭河東南流至和川入河 東南一百六十里

八十里川西南流入河

沁水縣縣東五十里沁河繇岳陽縣東流入縣大將村南流
共袤一百三十里至武安入陽城縣境

杏河入梅河梅河至鄭莊村入河 海子河至端氏鎮入

河 長子秦水南至端氏鎮入河

陽城縣縣東沁河繇沁水縣南流入縣東北屯城村境經潤
城沁渡大長降堰四里共袤一百四十里至縣東南公娥澗

出山口入河南濟源縣境至武陟入黃河

百眼泉至潤城入河 蘆河東至下孔入河 澤河東至

沁渡南入河 南四十里桑林河東北入河 鳳臺大陽

鎮長河西南入河

滹沱河

繁峙縣縣城南發源平刑關東南縣東北一百三十里泰戲
山下西流經繁峙縣南又西流共袤一百四十五里至東留

屬入代州境

縣東玉斗泉水至故福都入河 三泉至三泉都入河

北樓口水至砂澗驛入河 華嚴嶺水至新興村入河

東南九十里黑龍池水過海子村入河 東南一百里太

華池水西入河

代州南二里滹沱河繇繁峙縣東留屬村西入州境西留屬
村西南流經州城南又西南流共袤八十里至崞縣蒲溝梁

界

城東東關河繞城東南入河 城西南三里河南入河

西七里柳村河經七里堡入河 西南十里西峩河北入

河 西二十里羊頭神河二南入河 西北三十五里九

龍河南入河

崞縣東二百步繇代州界蒲溝梁入縣境西南流經城東一

里又南流共袤九十五里至界河舖入忻州境

北門外北橋河東入河 南郭門外南橋河東入河 南

二十里陽武河東至雙陵村入河 南六十里沙河東入

河 南七十里銅河東入河 北二十五里板橋河東入

河

忻州古秀容縣北三十二里繇崞縣界河舖東南流至境忻

口鎮東流一十五里至曹張村東入定襄縣界

崞縣沙河東至忻口入河

定襄縣北五里繇忻州曹張村東流經上湯頭村北又東流

三十五里共隸縣境七十里至縣東北四十里閻家莊領子

底村河邊村入五臺縣大關境

忻州雲中河過羊房村入河 忻州牧馬河至縣東北衛

村入河

五臺縣縣西南繇定襄河邊村環入縣境西南邊家莊東流

其袤四十四里半經野域口入孟縣界

西三十里泉巖河至槐陰入河 東峪河至河門入河

西北十五里盧虎河至南河門合虎陽清水二河入河

孟縣北一百里繇五臺縣界東流至天城口孫家口李千口

崇東胥三里莊裏王家莊胥五里的溜登十里蔡家坪鰲頭

胥五里獨子口一里梁家寨五里沙湖塔報川子崔家莊胥
三里忽川口七里唐山坪三里石家塔峪口閻家莊胥五里
共袤七十三里又二里至直隸平山縣界石溝口又東入於

海西三十里

縣西烏河東入河 北五十里龍化河至榆棗口入河

縣西南細水河東達平山入河

山西通志卷第三十四



